

25 ینایم ... و 11 فقرایر

شعر

إبراهیم رضوان



مکتبہٴ خیریت و نور

## بطاقة فهرسة

حقوق الطبع محفوظة

مكتبة جزيرة الورد

اسم الكتاب : 25 ينائم... و 11 فقرات

المؤلف : إبراهيم رضوان

الطبعة الأولى 2011

الطبعة الأولى 2011



مكتبة جزيرة الورد

القاهرة : ميدان حليم خلف بنك فيصل  
ش ٢٦ يوليو من ميدان الأوبرا ت : ٠١٠٠٠٠٤٠٤٦ - ٢٧٨٧٧٥٧٤

Tokoboko\_5@yahoo.com

## الاهداء

إلى زوجتى إعتدال الجمل

وإلى أولادى

رضوى وشادى ومحمود

وإلى صديقى الشاعر

أشرف البيومى

إبراهيم رضوان

## البداية

بدايةً .. أنا كل خوفي يضيع في يوم قلب الوطن ، من قد إيه سقط الوثن ، لكن خرج مليون وثن ، دخل ( الخبيث ) .. جوه البدن ، فصرخنا من كُثر التعب والإندحار ، أضربنا عن كل الطعام ويا الكلام ، و وصلنا شط الإنتحار ، وقطعنا في كل الطرق ، مين اللى جوه الليل غرق ، إنتى يا مصر العرقانيين .. العرقانيين .. التعبانيين .. المرهقين المنداسين .. تحت السنين ، والمدفونين جوه القرى .. جوه المدن، والمدقوقين في الزحمة .. جوه ميدان شجن ، إيه آخرة الليل اللى طال جوه القلوب ، إيه آخرتك يا غروب غبى ، آه يا زمانى اللولبى ، الذنب كله علينا .. مش ذنب الزمن ، رغم انتهاء زمن الفساد .. شامم في كل مكان عطن ، يا مصر يا جنة عدن ، قومى انصحينا بالدخول .. من تانى .. جوه عنيكى لاجل نكون مدد ، ونكون سند .. ليكى في أيام الجفاف ، ما تشدى حيلك يا بلد

، قولى : بلاش .. مليون ( منصفه ) و ( رأى ) ميت مليون قبيله و ( ائتلاف ) ، بدأ الخلاف .. على مين هايصبح لينا ربان السفن ، محتاجة إيه يا مصر .. آه .. محتاجة ألف وألف شئ ، محتاجة ناس فوق الطريق ، شايلين في همك .. يعشقوكى بدون تمن ، وبدايةً .. أنا كل خوفي يضيع في يوم قلب الوطن .



## جيفارا علي المنصة



كل واحد فيكوا كان يشبه جيفارا  
ع المنصة .. في الميدان الدافى بيكم  
ملتجى .. على صدره سبحه  
واللى جنبه .. شاب بيدخن سيجاره  
والحبيبه ( طيبه ) واقفه تبص ليكم  
وانتوا بتشددوا الستاره .. فوق كلاب الأبعديه  
فوق دياب العشوائيه  
فوق تعالب .. كلهم خافوا القضية  
فوق فساد زارع جسوره ف كل حته  
ييجى قطر الساعه سته  
يلتقيكم في الميدان من ألف ساعه  
والمجاعه .. يا جماعه ..

عششت جوه الخلايق  
واللى متضايق .. يفارق  
كنا بين كل المفارق .. مشتاقين نسمع غناكى  
وانتى نايجه فى ليل أنينك  
خايفه .. بتدارى حنينك  
والعساكر كلها بينا وبينك .. يا نبيه  
يا رسوله .. يا أميره  
كل واحد فيكوا كان يشبه جيفارا .. فى ملامحه  
صاحبك الفرعون لا يمكن ..  
الإله يقدر يسامحه  
صاحبك الملعون قتلنا بالعصابه  
قلنا يوم : ( إلحقنا يا ابه ) .. داس علينا  
صحبته غمت عينا .. وقيدونا  
وابتدى غرق السفينه .. جوه وحله  
زهره تطلع فيكى طاهره ..  
تغتصبها ألف نحله .. واحنا توهنا  
كان إلهم .. غير إلهنا

لما كان الفجر يوم يندهنا ..  
نجرى ع الجوامع  
نلتقيهم ع المنصه .. ع المنابر  
إتملت بينا العنابر  
نمنا فوق الأرض فى المستشفى .. والمستشفى زحمه  
كلها يا حبيبتي ضلمه  
يسحلونا .. لو نطقنا .. أى كلمه فى المسيره  
كل واحد فيكوا كان يشبه جيفارا .. فى طريقته  
القلم .. حتى فى سجنك .. ما فارقته  
يا عزيزه علينا جدا  
يا ديوك م الفجر تدن .. للعشيّه  
ألمحك فى دموع عنيّه  
والمحك فى عويل ولادك .. ع المخابز  
والجبان هو الى فايز .. بالوسيه  
والوسيه .. هى إنتى  
هو شرفك .. يا حبيبتي .. هو روحنا

جینا روحنا .. روحنا جینا .. هما هما  
لو یموت واحد .. بیخرج ألف واحد  
الى ظالم .. واللى جاحد  
کلهم بارتیتہ فاسده  
والبضاعه .. لو باعونا ..  
کلها یا حبیبتی کاسده  
کلها تواریخ قدیمه وعدلوها  
تُوْهه مش قادرین علیها  
حاجه فوق الوصف داست .. کل أعصاب الخلاق  
نجحت الثوره ولكن .. فیہ حاجات سقطت کثیره  
الدقون .. والجلاییه  
البدل .. والأرزقیه  
( 600 ملیون ) خلیه .. قسموکی  
( 700 ملیون ) ونارهم .. حارقہ فیکی  
( 800 ملیون ) یا طاهره .. کلهم داسوا علیکی  
نجحت الثوره .. ولكن ..  
الدموع لسه ف عنیکی

والكلاب المُدعيّه .. كلهم فى المليونيه بين خيامهم  
سيف جميع البلطجيه العور .. خدمهم  
المبادئ كلها بايسه قدمهم  
وانطفت مليون فناره  
كل واحد فيكوا كان يشبه جيفارا .. فى ثباته  
الجميع فى الضلمه باتوا .. فى ميدانك  
الجمال حاولت تشد لجام حصانك .. وانتى ساكنه  
( 800 مليون ) مرشح للرئاسه  
كلهم .. يا حبيبتي نكته  
واكتئاب القلب صابنى  
وان فى يوم العقل صابنى  
كلنا .. هانموت بسكته ،

## الجمعة



في الميدان .. يوم جمعه .. طُفْتُ  
شفت ياما .. وياما شفت  
ألف لون يا ( باطيستا ) فيكي  
الصراحه .. راحه .. خُفْتُ  
واما روحت عشان أصلى  
قولتله .. ع الى حصلى  
فجأه صوت من جوه قاللى :  
حالتك النفسيه .. زفت  
في الميدان .. يوم جمعه .. طُفْتُ

## المحشي

مين انت يابو الصوت جحشى  
يا ابو الهجوم ع الجيش وحشى  
تهتف كثير بعدين تاكُل  
البطه .. ومعاهها المحشى  
يا الى ملامحك مغوليّه  
إنت صديق الجلابيه  
تعبان رهيب ومعاه حيه  
أرجوك يا ( كبش ) ماتنطحشى  
مين انت يابو الصوت جحشى

## دیل الأفعی

ماتحاكموا دیل الأفعی .. والأفعی بقی  
الناس مازالت جوه سكه ضيقه  
هَدُوا النفوس .. بمحاكمه لاجل الروح تروق  
وان كان علينا .. فيه معانا مشنقه  
ويا مصر .. قولي لخلفتك  
يبقوا جماعه ف سكتك  
تصبح عزيزه كلمتك  
تحترسى من كل الوجوه السيئه  
ماتحاكموا دیل الأفعی .. والأفعی بقی



## تلاتين سنة

أنا مش حياىى .. بس هادى فى القرار  
ما اقدرش أضرب عن طعام .. أو اكون دمار  
أنا قلبى شايلك ألف دقه ع البيان  
يا مصر .. يا الى عنيكى لسه فى انتظار  
أنا أول القاعدين هنا  
أنا جوه جيبك سوسنه  
فى اللحظة عاشقك ميت سنه  
وبقول لا يمكن أنوى يوم ع الإنتحار  
أنا مش حياىى .. بس هادى فى القرار

## الحياڊي

ماتروقوا.. وتزوقوا.. أجمل عروسه بالوفاق  
الناس هنا ثلاثين سنه .. بيدوسوا فوق أرض النفاق  
يا مخلصين .. السكه فين .. نادهه بهيه على ياسين  
وانتوا مازلتوا في النعاس .. بينكم وبين الجيش فراق  
نصبح جماعه يا أمتى  
البدله .. فوقها عمتى  
تبقى نضيفه ذمتى  
الخوف عليكموا لا تغرقوا .. أو تخسروا أول سباق  
ماتروقوا .. وتزوقوا .. أجمل عروسه بالوفاق

## المحاكمة

محاكمة إيه يا خال  
دا شئ فوق الخيال  
هانحاكم شخص ميت  
ما تفوق يا ابن الحلال  
أنا قلت : خلاص حاكمنى  
لو سيبت ديب ظلمنى  
فى المعتقل .. كتمنى  
وحكمنى بالضلال  
محاكمة إيه يا خال

## الثورجي

المهنه .. ثورجى  
خلاكى تخرجى ..  
بره الخط المحدد  
يا ماشيه تعرجى  
علشان مفيش خريطه  
فى إيديه .. وعنيه عبيطه  
محتاجه ناس حويطه  
تدوس البلطجى  
المهنه .. ثورجى

• - - - - -

## نهر النيل

يا خلق هوہ .. قولولى

النیل دا .. یبقي نیلى

واللا نیل الأكابر

والمصرى الإسرائیلى

ما تنصفوه عشانى

من أى بانى جانى

وتروقوا القنانى

علشان أشد حیللى

يا خلق هوہ .. قولولى

. - - - - -

## إرحل

فات ع ( التنحي ) كثير كثير .. إرحل بقى  
السجن عمره ما كان بديل للمشنقه  
يا الى قطعت وريدنا من عند الجذور  
وحكمتنا ثلاثين سنه .. غلب وشقا  
والله لو كنا عبيد .. للباش أغا  
كنا هانقدر يوم ندوس البغبغه  
ولا كان فى يوم .. إسم الحبيبه ها يتلغى  
إرحل .. خلاص .. فى قلوبنا بانث رقرقه  
فات ع ( التنحي ) كثير كثير .. إرحل بقى

. - - - - -

## الباطل

الجميع عمال يماطل  
ليه يا حق صبحت باطل  
القتيل مش لاقى طُربه  
والسرايه .. فيها قاتل  
كنت انا فى الثوره سُعله  
دمى غالى .. وانتى أغلى  
قلت ويا الثوره هاعلى  
التقيتنى فجأه عاطل  
الجميع عمال يماطل

## المنصة

في الميدان كان ع المنصه  
فجأه .. بص على بصره  
من عنيه طقت شراره  
إلتقيت على خدى قَصره  
اترعشت وروحت قاعد  
آه نزلت .. وهو صاعد  
ابتدى زمن التباعد  
شفت نفسى .. فى جيبه .. جثه  
فى الميدان كان ع المنصه



## الجزية

خدنى بالدقن الثقيله  
حط فوق القلب شيله  
قاللى ( أهل الذمه ) لازم ..  
يدفعوا ( الجزية ) القليله  
بص بين بيانات بطاقتى  
وابتديت أفقد فى طاقتى  
م الآيات .. أثبت حقيقتى  
إنى من ( أكفر ) قبيله  
خدنى بالدقن الثقيله

## الفوارغ

الفوارغ .. هـى هـى  
والأسامى هـى هـى  
كانوا للوالى .. مطيه  
كانوا فى الجرنان .. رزىه  
بعد ثورتنا الشجاعه  
غىروا توب الخديعه  
أدمنوا طعم الرضاعه  
م الصدور الحربائيه  
الفوارغ .. هـى هـى

## المصححة

الميدان أصبح مصحه  
والحروف مليانه كُحه  
والخيام منصوبه لسه  
والوجوه صفره .. وكالعه  
عايزه إيه م الناس دى .. إصحى  
سَمِّي بِسْمِ اللّٰهِ فِي دُبْحَى  
واسمعى يا حبيبتى نُصحى :  
إوعى تتغشى فى (سبحه)  
الميدان أصبح مصحه

. - - - - -

## علي بابا

في الميدان .. ( علي بابا ) خاطب

فوق قماش الخيمه كاتب

( هو يمشى .. مش هانمشى

دا السرير محتاج مراتب )

بس لما دخلت جيبه

وابتديت أقرى كتابه

آه لعنت جدود جنابه

لاجل شفته .. لإسمى شاطب

في الميدان ( علي بابا ) خاطب

-----

## آه يا أمي

يا حبيبة روحى .. روحى  
ضمدى فى الليل جروحى  
وارسمى إسمك يا طاهره  
شمس فى كل النواحي  
آه وآه يا اللى انتى أمى  
نظرتك بتزيد فى همى  
شمرى توبك وسمى  
ع اللى لسه سلاحه صاحى  
يا حبيبة روحى .. روحى

. - - - - -

## التشريفه

دخل الميدان .. بالتشريفه

لابس هدوم سوده قطيفه

الى معاه .. سقفوا بحماس

لبلال .. وللزينى خليفه

بصيت بحرقه على الزوار

( حاوى ) و ( دون ) و ( حرامى ) و( زار )

فى النصب والتزييف شطار

و ( 500 ألف ) خليفه

دخل الميدان .. بالتشريفه

-----

## الطراير

رئيس وزاره .. وألف وزير  
ورئيس لمصر .. ببدله حرير  
ومرشحين نايمين صاحيين  
جوه الميدان .. لابسين طراير  
يا مصر .. ساكنه عليهم ليه  
الباشا جاى .. ومعاه البيه  
كل الشاشات ملهوفه عليه  
وتعبنا من صوت المزامير  
رئيس وزاره .. وألف وزير

• - - - - -

## روح الروح

أرجوکی مش عایزین تانی  
نسمع کلام کله أمانی  
واقعیہ کوئی .. وکونی دراع  
یضرب صاحبنا البرانی  
یا عزیزه ع القلب المجروح  
یا الی انتی روحنا .. وروح الروح  
شایلین رایاتک فین ما نروح  
رغم اهتمامک بالجانی  
أرجوکی مش عایزین تانی

• - - - - -



## الأوباش

مات الملك .. والتانى ماجاش  
ينعل أبو .. كل الأوباش  
عايزين يبيعوا دقيقتك ليه  
ويبيعوا كرسى العرش بلاش  
يا معلمانى أكون واضح  
البير .. بطين فاسد ناضح  
كونى على ( الفعل الفاضح ) ..  
السيف .. ودوسى على البكاش  
مات الملك .. والتانى ماجاش

. - - - - -

## الحشاشين

و ( سبھلله ) و ( تبكيش ) و ( حَواه )

وحشاشين على باب الله

وشيوخ أساتذه في كل مجال

وفتاوى فيها العاقل تاه

ما تسهليلش الجاى لينا

إحنا اللى فينا مكفينا

قومى اسندى تانى علينا

ما يهمناش لا ( رئيس ) ولا ( شاه )

و ( سبھلله ) و ( تبكيش ) و ( حَواه )

• - - - - -

## آه يا زمن

( أنتيکه ) .. جايه البلوتيکا )

نشيد شديد بالمزيکا

خرج الفيران .. لابسین برانيط

و ( زعیط ) فتح فی ( الفابريکا )

يا مزوقين الجثه بنور

الله بيكره قلب الزور

( معیط ) هنا .. مليون بغرور

جنسيته من أمريكا

( أنتيکه ) .. جايه البلوتيکا )

. - - - - -

## عتريس

فؤاده لسه .. عتريس حابسها  
بالقوه عايز .. يصبح عريسها  
يبوسها .. تجرى .. تهرب .. وتصرخ  
وفجأه فجأه .. تلقاه رافصها  
آه يا فؤاده .. يا ساكنه دايم  
وسايه قلبى .. بالصمت يحزن  
هايدوس عليكى ؟ .. قالولى أبدا  
عتريس مسيره .. هاييوس مداسها  
فؤاده لسه .. عتريس حابسها

. - - - - -

## الموعظة الحسنه

لما باعوکى بمفتاحک  
سمعت من بدرى نُواحک  
عواجيز کثير جوه الزفه  
بيدمروکى بسلاحک  
يا اللى انتى طول عمرک صابره  
هايدوقوکى سنين مرّه  
بالموعظه الحسنه مرّه ..  
والتانيه .. لو هدوا ضريحک  
لما باعوکى بمفتاحک

. - - - - -

## الشله

يا سفسطه .. مش مقبوله  
قاتله فى روحنا المقتوله  
إيه اللى خلى جناب الفار  
يظهر على الشاشه الحوله  
آه يا زمن .. أعور .. أعور  
من بعد ( ناصر ) .. كان ( أنور )  
ولا حد عايز يتطور  
ولا حد قادر ع الغوله  
يا سفسطه .. مش مقبوله

. - - - - -

## الأفعى

قاللى أراهنك .. مش نافع  
الشعب دا محتاج دفعه  
والرافعه لسه مصديه  
والصعبه دايمًا مندفعه  
إتدارى يا أمى ف جيبى  
م الماضى لازم هاتطيبى  
مين اللى قال دول أحبابى  
دُولت ( 200 ) مليون أفعى  
قاللى أراهنك .. مش نافع

• - - - - -

## المعارضه

آه يا عينى ع المعارضه  
من لسان شخصيه بارده  
كان طويل .. هايف .. حرامى  
كان زباله .. وزار .. وخرده  
للركب .. واصل فساده  
ليه ( قريش ) يا حبيبتى عادوا  
للصوص هما الى سادوا  
دبلوا غصنك يا وردة  
آه يا عينى ع المعارضه

كل الى داسك .. قام باسك  
أصبح فى شلة حراسك  
بكره هافكر معاليكى  
لما هايركب على ناسك  
ما تفوقى وتروقى شويه  
سيبك بقى م الحنيه





سكینه سوده ومحمیه  
محطوطه فوق قمة راسك  
كل الی داسك قام باسك

• - - - - -

## الشاكوش

كنت قاعد ع المنصه  
شفت فوق الصلعه .. قُصه  
الشاكوش دايما فى إيدك  
والحمير مرصوصه رصه  
قول يا أرنب .. ما بدالك  
الى فى المجلس .. عيالك  
فجأه قيد الإيد ندالك  
آه يا مجلس شعب كارته  
كنت قاعد ع المنصه

. - - - - -

## المطوه

للفخاد .. واصل بدقنه  
ليه مريبها ؟ .. دا شأنه  
بس ليه ليل التخلف  
بالكلام الفاضى حاقنه  
جاي بألف وألف فتوى  
نظرتة مليانه سطوه  
تحت دقنه .. خبي مطوه  
نفسه يمشى الكون بإذنه  
للفخاد .. واصل بدقنه

## المرجحه

نفس الوجوه الكالحه  
الإهتزاز .. والمرجحه  
والمصلحه .. هى الأساس  
يا ( بدله ) حاضنه المسبحه  
تتغيرّ الأسماء لكن  
( القعقه ) .. ومفيش ( طحين )  
يا صحبة الزمن اللعين  
هاتدوسكوا بكره ( مصفحه )  
نفس الوجوه الكالحه

• - - - - -

## البغبغه

وزراء كثير .. من غير لغه  
الثرثه .. والبغبغه  
على بابا .. و ( اللهو الخفى )  
و ( الأولعبان ) .. و ( الباش أغا )  
يا مصر .. بابك ليه براح  
لى دخل شاييل سلاح  
إحمينى يا ست الملاح  
واحمى الحمار .. م المرمغه  
وزراء كثير .. من غير لغه

. - - - - -

## الجنسيه

هاطلب خلاص جنسيتك  
يا مصر .. يا اللى كلمتك  
كانت فى كل الكون سراب  
وطلعتى ويا خلفتك  
بس الطريق مليون ضباب  
وديوك قتيله م الكلاب  
قومى افتحى علشاننا باب  
دا احنا اللى قومنا بثورتك  
هاطلب خلاص جنسيتك

• - - - - -

## الوريث

كنت الوريث .. للصوص في شرع الطاغوت  
خليت جميع الناس تجوع .. خليت .. تموت  
يا عنجهيه دينئه يا خصم الإله  
حطيت شجر زقوم شيطاني في البيوت  
ملعون في كل كتاب يا دون  
يا جنون .. مفيش بعده جنون  
إزاي هاتخرج م السجن  
وانت نيرون .. هتلر .. وأنجس أخطبوط  
كنت الوريث .. للصوص في شرع الطاغوت

• - - - - -

## الحتتفه

عایزین نبطل ( حتتفه )

وحروف دئیئه مزیفه

الغش بیضایق کتیر

قلب المسیح والمصطفی

إِدَّنْ فی مالطه یا بلال

صبح العیال فجأه رجال

بس احنا بنبیع العزال

علشان نجیب لیکی الشفا

عایزین نبطل حتتفه

. - - - - -



## الشيخ

كان ( قزم ) في دنيا الدعاه  
من قبل ما يملك قناه  
حافض حديث .. ومعاه آيات  
وفلوس .. وناس ماشيه وراه  
أعلن خلاص سلفيته  
ع الثوره قال .. دى ثورته  
فقد المهابه .. ونظرته ..  
خلت طريق الحق تاه  
كان ( قزم ) في دنيا الدعاه

• - - - - -

## مال النبي

يا آكلين مال النبي  
قولوا لكلا بكم .. هبهي  
مهما تبانوا ع الشاشات  
الشعب عمره ما كان غبي  
الكل حاسس بالقرف  
منكم يا فاقدين الشرف  
بكره رصيدكوا هاي نعرف  
يا دياب طريقنا اللولبي  
يا آكلين مال النبي

• - - - - -

## الكلاب

يا كلاب الأبعديه  
يا ( غزال ) في الأصل حيه  
كلتوا مصر سنين طويله  
أرض وقف .. ولحمه نيّه  
بس بعد الثوره قُمتّم  
في دمانا .. برضه عُمّتّم  
لينا دايمًا .. إِيْهَمّتّم  
إننا خوننا القضية  
يا كلاب الأبعديه

. - - - - -

## العماله

البلد كانت وكاله  
للزباله .. والحثاله  
يجمعوها .. وهى لسه  
( عَجَر ) بإيدين النداله  
أظهروا للكون عُورتها  
شَوْهُوا .. دايمًا صورتها  
واما كنا نجيب سيرتها  
يوصفونا بالعماله  
البلد كانت وكاله

• - - - - -

## سوزي

من عباية الست ( سوزى )

إنت خارج يا عزيزى

جحشة الإعلام راكبها

كلب أجرب .. إنتهازى

الدياب .. فى كل نشره

وكل نشره .. ألف فشره

وكل فشره .. بألف حشره

واللى يرفض .. يبقى نازى

من عباية الست ( سوزى )

• - - - - -

## بغل البغايل

إبتديتى تكونى ديبه

سيده مصر المهابه

( إمضا ) واحده تكون مناصب

للتعالب .. والديابه

راكبه فوق بغل البغايل

الى قال الكرسي زايل

قبل ما تسووا الهوايل ..

فيينا .. ونكون الركوبه

إبتديتى تكونى ديبه

• - - - - -

## التوأم

ع الخطوط ..توأم نتانه  
في العيون .. نظرة خيانه  
قبل لحظه .. م التنحي  
ركبوا فوق جمل المهانه  
داسوا فوقنا .. قطعونا  
سبوا ديننا .. ودين أبونا  
في الملاعب .. هددونا  
فرغوا فينا المثانه  
ع الخطوط ..توأم نتانه

. - - - - -

## الغريزه

ألف حزب وحزب بانوا  
قلبي فين يا ناس مكانه  
الفلوس أهرام ثقيله  
والبرامج .. للى خانوا  
شوفي يا مصر العزيزه  
دخلوا الفيل القزازه  
والظهور دايما .. غريزه  
في اللى بالقرش استعانوا  
ألف حزب وحزب بانوا

• - - - - -



## حسين سالم

جوه شرم الشيخ .. بَلَفْتُه  
بالفلوس يا حسين .. كَسَفْتُه  
مد إيده .. وخذ قصورك  
يومها لك .. بانت جيافته  
إمتلك في كل حاجه  
بعت غازنا .. للخواجه  
آه يا سكة شر عوجه  
الدنى .. إنت كَشَفْتَه  
جوه شرم الشيخ .. بَلَفْتُه

. - - - - -

## صفوت

مجلس الشورى المزور  
كنت فيه دائما تدور ..  
ع المخنث .. والحرامى  
واللى يسرق مصر أكثر  
قالوا ليك يا ( شريف ) وإيدك  
ماسحه جوخ دائما لسيدك  
قول لنا .. إيه اللى فادك  
من ( طره ) .. يا غراب .. يا أشقر  
مجلس الشورى المزور

. - - - - -

## الشاعر

فجأه .. كنت ف كل ساحه  
شعر .. أكبر م المساحه  
الحجر والبيضة دايما  
بين إيديك .. ويا النصاحه  
آه يا بالونة مهازل  
كله طالع .. وانت نازل  
كنت في كل المنازل  
كلمه زور .. لكن فصيحه  
فجأه .. كنت ف كل ساحه

. - - - - -

## المدرّب

الشوارب .. بيضه .. بيضه  
والقفا دائما عريضه  
من بدايتك في الملاعب  
وانت أستاذ البلاده  
الوريث وأخوه حبايبك  
والكبير الأب جنبك  
الخداع ساكن في قلبك  
والنهايه .. نهايه سوده  
الشوارب .. بيضه .. بيضه

. - - - - -

## فرافيرو

جوه الميدان .. يا ( فرافيرو )  
دوست الوطن .. مع ثواره  
ومشيت لكل الناس .. بتقول  
صاحبى ( جحا ) .. أولى بتوره  
آه يا ( جحا ) .. سيننا ف حالنا  
الجوع مبهدل أحوالنا  
ازاى نقول اللى ف بالنا  
صفوت مازال فى ( ماسبيرو )  
جوه الميدان .. يا ( فرافيرو )

• - - - - -

## الزبييه

راسم ( زبييه ) على جبينه  
الكل قال .. مش عايزينه  
أرجوك يا مولانا .. أخونا  
عمره ما هايغير دينه  
دينه .. دا دين مولى العزه  
ما يغيروش ( بطه ) و ( وزه )  
إحنا هنا .. أول فرزه  
والباقي .. إنتم عارفينه  
راسم ( زبييه ) على جبينه

. - - - - -

## النعل والنعله

وَطَّى كِمان .. علشان تَعلى  
النعل ماشى معاه نعله  
والشعب لو حاول ينطق  
كل الكلام يخرج سعله  
يا شُعله مطفيه فى ليلنا  
إتهدَّ بالكداب حيلنا  
يا ريته يسأل على حالنا  
علشان يكون ( مجلس أعلى )  
وَطَّى كِمان .. علشان تَعلى

. - - - - -

## خربوها

خربوها خربوها  
إلعنوا مايتين أبوها  
دمروها من خلافكم  
شردوها في ألف توهه  
ما انتوا أبطال المتاجره  
يا كلاب نجسه وفاجره  
البطل .. محتاج لهجره  
بعد ما العاهرين داسوها  
خربوها خربوها

-----





## شطوط عفاشه

عفاشه جاهله .. وطن .. وشاشه  
وبخور سذاجه .. وشطوط عفاشه  
شخصیه هبله .. صاجات .. و(طبله)  
یسرق سریقہ .. یعکُش عکاشه  
ویا مصر شایفک .. بتنادی لینا  
سارقین شفافیک .. حقک علینا  
بکانی نرفک .. یا ساکنه فینا  
مذیع وعقله .. ملیان هشاشه  
عفاشه جاهله .. وطن .. وشاشه

• - - - - -

## الزعيم

إنت سرقت الكحل .. من كل العيون  
وشربت دم قلوبنا .. واحنا فى السجون  
يا عنطظه .. مزروعه فى كل اتجاه  
إنت أتيت أرض الحياه .. علشان تخون  
آه يا زعيم الأفاقين  
يا حصان عجوز مغروز فى طين  
حواليك عصابة مأجورين  
خلونا نغرق فى الفساد .. ويا الديون  
إنت سرقت الكحل .. من كل العيون

. - - - - -

## نحن

أرجوك هنا .. ما تقولش ( نحن ) .. وقول ( أنا )  
أرجوك بلاش .. وكفايه خوف (30سنه)  
إزاي هاتتكلم .. بإسمى .. لأه .. غور  
أنا ضهرى .. من قهرى الى زايد .. إنحنى  
يا شيخنا.. وحياة (السبح) ويا (الزيب)  
خلى الجراح المزمه .. تقدر تطيب  
وبلاش تفهمنى الكلام العيب .. وسيب  
الحب يروى بالأمانى .. سوسنه  
أرجوك هنا .. ما تقولش ( نحن ) .. وقول ( أنا )

-----

## ناعسه

يا ( ناعسه ) قام ( أيوب ) بثوره .. إنتشى  
ثورى على كل الرجال الشفتشى  
إتنعنشى .. شالك ولادك .. ع الكتاف  
إوعى لإبنك تانى ليله تطفشى  
وداويه يا ناعسه م الى فات  
من ( حسنى ) .. من جرح (السادات)  
من كل شايلين الصاجات  
هاديكى دمي تشريه .. لو تعطشى  
يا ( ناعسه ) قام ( أيوب ) بثوره .. إنتشى

-----

## أوزوريس

شاعر أنا يا إيزيس .. تعالى لملمي ..  
عضمي.. ولحمي.. ويا روحى اتكلمي  
واتعلمي من ثورتك .. كل ( العبر )  
واوعى فى يوم لطاغوت جبان تستسلمي  
يا إيزيس .. يا أجمل أمنيّه  
يا معلمانا التضحيه  
إحنا اللى كنا ( أضحيه )  
قلنا لا يمكن تانى يوم تتألمى  
شاعر أنا .. يا إيزيس .. تعالى لملمي

-----

## کمال

شحط .. کان عایش ( جِبِلَه )

مصر .. کانت عنده ( حله )

فیها أرنب .. فیها بطه

لیها کرباج المذله

مش ( کمال ) أبدا .. دا ناقص

جوه مجلس شعب راقص

فوق سطوح الرشوه فاقس

للرئیس .. ومراته .. صلی

شحط .. کان عایش ( جِبِلَه )

۔ ۔ ۔ ۔ ۔ ۔ ۔

## الشاعر الجنوبي

جيت .. وجوه الجيب سيجاره  
م الجنوب .. لابس شيكاره  
جيت معاك .. قفة أغاني  
ويا دمعته .. وانكساره  
شعر باللهجه الصعيدي  
كسر الباب الحديدي  
قلت للأرنب يا سيدي  
وابتديت تملك جزيره  
جيت .. وجوه الجيب سيجاره

• - - - - -

## الغوايش

في طره .. مازلت عايش  
في الإيدين .. لابس غوايش  
آه يا ابن الطاغى .. عرشك ..  
ويا اخوك .. مهدود .. وبايش  
إنتوا هديتوا البريه  
في السنين الأخرانيه  
مصر مش هاتكون مطيه  
للحرامى ابو قلب طايش  
في طره .. مازلت عايش

• - - - - -



## هشام طلعت

لَسَّه دم البنت باين  
جوه زنانتك يا خاين  
يا اللى بفلوسك .. وجاهك  
دوست أزهار الجنائين  
فى ( دُبِّ ) الدم جارى  
والخبر .. فى الدنيا سارى  
آه يا أسوأ م المجارى  
ليه شرف دولتنا هارين  
لسه دم البنت باين

• - - - - -

## أستاذ خديعه

الكل بيستضيفك  
جوه القنوات بكيفك  
يا مزيف من بدايتك  
مش طايق حتى اشوفك  
إنت أستاذ خديعه  
وخبره فى الوضاعه  
وأختك فى الرضاعه :  
شيطانه فوق كتافك  
الكل بيستضيفك

. - - - - -

## أبو الفساد

أعياد أبو الفساد  
وصلت قبل الميعاد  
بس احنا دوسنا ليْلُه  
و وصلنا للميلاد  
يا ابو الفساد يا ظالم  
يا قلب بدون معالم  
بتدوس على المسالم  
وتبارك الكساد  
أعياد أبو الفساد

• - - - - -

## كداب الزفه

كداب الزفه واصل  
بيدوس فوق المفاصل  
وبيهمس ليكي إنه ..  
بفلوس سيادته واصل  
دول كدايين يا طاهره  
يا صاحبة المظاهره  
يا أحلى أحلى زهره  
صاحبك لفلوسه غاسل  
كداب الزفه واصل

. - - - - -

## السلام

باحلفك بربك  
تخلي كتابه جنبك  
تقرئه دائما بنفسك  
وتفهميه بقلبك  
ما تلجأيش لظالم  
راقص فوق السلام  
ربك هو الى عالم  
بكل قلب حبك  
باحلفك بربك

• - - - - -

## حب الوطن



من غير ميدان يضمك

هاقول إيه لازمك

لو يوم تراضى أمك

تتحل أزمك

حب الوطن عباده

يا صاحب السيادة

لو داخل للعباده

هاتقلع جزمك

هاقول إيه لازمك



## الشهره

كله فى الشهره دايب  
مولد وصاحبه غايب  
يا ساكته ومستكينه  
من إمتى دول قرايب  
يا مرشحين .. ياهم  
مالناش غير انتى أم  
لفينى بالعلم  
ما انتى ست الحبايب  
كله فى الشهره دايب

• - - - - -

## بيضه دهب

بيضه دهب يا فرخه  
طخوکی ألف طخه  
ضحکوا ولاد الزواني  
واحنا .. صرخنا صرخه  
يا فرخة الفرايخ  
كرسى وفوقه .. ( شاخ )  
قسيس ويا المشايخ  
وكل حاجه .. ماسخه  
بيضه دهب يا فرخه

. - - - - -



## القضية

يا زعيم البلطجية  
إعوج يا اللا الطاجيه  
واكتب أغاني سخنه  
لحلیم .. عن القضية  
وانهب أراضی دوله  
يا شاعر .. إنت أولى  
وقول : الناس لا حول ..  
ولا قوه إلا بيّ  
يا زعيم البلطجية

• - - - - -

## آه عليكي

مخلوقات هلاميّه .. بانت  
جوه ناس من بدري خانت  
آه عليكي يا أم لينا  
عزتك .. أبدا ما هانت  
بس عاشقين المظاهر  
داسوا عرسك بالمزاهر  
الجبان هو اللى ظاهر  
بس ساعة الصفر حانت  
مخلوقات هلاميّه .. بانت

-----

## المباخر

يا عفيفه .. يا عفيفه  
في الميدان .. مليون خليفه  
والمباخر .. ويا فاخر  
والهيافه .. والخنافه  
سايه ليه الناس دى طايحه  
كلهم ماسكين فى سبحة  
والجميع على راسه بطحه  
والحياه صبحت مخيفه  
يا عفيفه .. يا عفيفه

. - - - - -

## الثوره

يا ثوره.. فهمينا  
الصوره دى لأخونا  
واللا لرئيس وزاره  
لسه بيضحك علينا  
دا احنا تعبنا ياما  
فى سكة الندامه  
ها نبدأ الشتيمه  
فى السجن .. لو خدونا  
يا ثوره.. فهمينا

. - - - - -

## عم الحاج

يا عم الحاج سيبنى  
لسه السجان ضاربنى  
جيت احلب الجاموسه  
صاحبها قام حلبنى  
ولا جابنى إلا جوعى  
و ( كلبش ) فوق دراعى  
إيه يا ( كبش المرعى )  
أشعارى ازاي تعيبنى  
يا عم الحاج سيبنى

• - - - - -

## التورته

يا مصر .. يا ( تورته )

الكل خد حته

والشعب .. مش همّه

من جيش .. ولا شرطه

واللص ع الكرسي

بس الشريف منسى

إوعى كمان تنسى

الى سرق بطه

يا مصر .. يا ( تورته )

. - - - - -

## على فين

على فين يا أمى يا مصر  
يا فساد .. وفاق الحصر  
كنا زمان فاكرين  
العُسر .. بعده يُسر  
بس اللى فاق الحد  
أحزاب .. ماليها حد  
ياريت تبصى بجد  
ع اللى مازال فى العُسر  
على فين يا أمى يا مصر

• - - - - -

## كذب وثني

توبك يا ( كذب وثني )

حاضن كل الی داسنی

فيه ناس كتير .. قفاهم

مكتوب علی شحمه ( حسنی )

يا قفة الحثاله

والجين .. والنداله

المخ فيه زباله

وف قلبی لسه حزنی

توبك يا ( كذب وثني )

• - - - - -



## المرشح

مليون مليون .. مرشح

بيت الوطن يرشح

واحننا شعب الغلابه

ضد التيار بنسبح

يا شلة الجيافه

يا ام الوجوه مخيفه

في زريبة السخافه

إنتم خرفان بتنطح

مليون مليون .. مرشح

. - - - - -

## البلغه

أقلع ( البلغه ) القديمه  
واضربك يا ( فُلُول ) دميمه  
يا سحالف حربائيه  
يا قلوب لسه أثيمه  
ريحونا من وجودكم  
سيف ( قريش ) لسه في إيدكم  
للحرامى ازاي سجدكم  
يا فيران مصر العظيمه  
أقلع ( البلغه ) القديمه

• - - - - -

## الأكابر

يا رئيس وزرا الأكابر  
لسه كل الشعب صابر  
ع الطيابه .. والخيابه  
والديابه .. ع المنابر  
داوى فى جراح الأميره  
الكلاب جوه المسيره  
والقلوب لسه كسيره  
والمريض .. مات فى العنابر  
يا رئيس وزرا الأكابر

• - - - - -

## كنتوا فين

كنتوا فين أيام ما داسنا  
لما بالكرباج هرسنا  
إتداريتوا ف حته ضلمه  
واما ثارت كل ناسنا  
شفتكم فوق المنصه  
ألف فار .. مع ألف عرسه  
العيون ع الكرسي بصره  
حتى شيخكوا قام وباسنا  
كنتوا فين أيام ما داسنا

. - - - - -

## الهجره

مهما كان .. لازم نهاجر  
البلد .. صبحت متاجر  
والمتاجر هي هي  
فيها ألف و ألف تاجر  
يا بلد محتاجه حاجه  
من هنا .. مش من خواجه  
أيوه لسه السكه عوجه  
طول ما فيها فكر فاجر  
مهما كان .. لازم نهاجر

• - - - - -

## سيبوا مصر

سيبوا مصر في حالها سيبوا  
الوطن .. دول مش شبابه  
أفاقين .. سايين دقونهم  
والى روحهم فيكى غابوا  
دققي يا مصر تاني  
في خُطب .. مالهاش معاني  
بالمنافق .. والأُناني  
الجراح ازاي يطييوا  
سيبوا مصر في حالها سيبوا

. - - - - -

## الفلول

الفلول .. وديول سيادته  
لسه مش ناسيين سعاده  
ديب .. وتعلب .. ويا عرسه  
كلهم شايين فى صورته  
دول مكانهم .. تحت جزمه  
دول مصايب كل أزمه  
الكلاب مالهومش لازمه  
والصنم .. ممنوع عبادته  
الفلول .. وديول سيادته

• - - - - -

## للخلف دُر

صناديق كتيره .. مزوره

في القاهره .. والمندره

قالت لنا : ( للخلف ) دُر )

وخذت سيادتك للورا

يا أولعبان الملعبه

يا عجوز ومتحنى صبا

خليت بلدنا الطيبه

بأيدين عصابتك مجزره

صناديق كتيره .. مزوره

• - - - - -



## صحة الرئيس

لو حد قال عن صحتك  
كلمه .. تخلي صحبتك  
يدوسوه بآلاف التهم  
وشيوخنا تدعى لحضرتك  
تحكم عليه المحكمه  
بالطرد من نور السما  
وان حتى قَدِّم مظلمه  
الكلمه تبقى كلمتك  
لو حد قال عن صحتك

• - - - - -

## البطانه

كل البطانه السيئه  
نصبوا عشانك مشنقه  
هو كده شرع النفاق  
يا أفعى جوه الشرنقه  
بَهْدَلْتِنَا جوه الحياه  
خليت ملاك الحق تاه  
وصبحت بين الناس إله  
ليك السجود .. لينا الشقا  
كل البطانه السيئه

• - - - - -

## الجلابيه

واضح في جيب جلابيتك  
دم الصحابه ضحيتك  
نرجم في إبليس الكبير  
ونخاف نكمل رجمتك  
كل الأبالسه بیسجدوا  
لیك یا دئی .. ویمجدوا  
ملیون صحیفه بیعبدوا ..  
صنمك یا سارق أمتك  
واضح في جيب جلابيتك

• - - - - -

## الكوسه

يا بلدنا .. يا اللى فيكى  
شئ عجيب باين عليكى  
نزرع القمح ف ثوانى  
تقلعى الكوسه بايديكى  
با اللى طول عمرك حزينه  
غصب عنك مستكينه  
هاجرى يا اللا للمدينه  
وسيبي ( مكه ) .. نور عنيكى  
يا بلدنا .. يا اللى فيكى

## رأسمالي

تتملى كل الجرايد  
يا اللى كان بره .. وعاييد  
رأسمالي .. جيوبه سخنه  
كان زمان إنسان محايد  
بس بعد الثوره جالنا  
لاجل يعدل لينا حالنا  
أو يكون طمعان فى مالنا  
واحنا .. خط الفقر زايد  
تتملى كل الجرايد

• - - - - -

## شيكابالا

يعوضنا الإله يا امه  
عن اللى داسونا فى الزحمه  
ولاطوا .. وشاطوا فى زهورنا  
ولا تُورنا .. على الضلمه  
يعوضنى إله الكون  
على كل اللى كان فرعون  
أنا ( شيكابالا ) .. جيبنا الجون  
بميت مليون .. على الجزمه  
يعوضنا الإله يا امه

• - - - - -

## الجبله

يا بلدنا .. وانتى شايفه  
ألف حزب .. وألف طايفه  
والجماعه .. بعد ساعه  
أصبحت يا حبيبتى زايغه  
إيه جراننا .. إيه جرالهم  
إشتروا روحنا بمالهم  
داس على الثوار جملهم  
إوعى يا امه تكونى خايغه  
يا بلدنا .. وانتى شايفه

. - - - - -

## الجماعه

جِيلَه .. بقف .. أهبل .. مليون بعنطظه  
قلبه المغولى إسود .. مزروع جبال أذى  
حواليه عصابه خاينه.. مفقودة الضمير  
واحنا الى كنا دايمًا .. أمه معززه  
نواجهه بالحقيقه .. يواجهنا بالتُّهم  
الصادق يلقي نفسه .. فى لحظه متهم  
سرقة فلوس يتامى .. فى شرعه كان أهم  
وان قولنا اعدل يا ظالم .. يقابلنا بنرفزه  
جِيلَه .. بقف .. أهبل .. مليون بعنطظه

• - - - - -



## بنطلوني

بنطلوني .. مش قُصير  
شئ غريب جدا .. يَحير  
الآيات .. بالروح قرينها  
بس مش قادر أُغَيّر  
إيه علاقة بنطلوني  
يا عباد الله .. بدينى  
إنتوا ليه بتكفرونى  
مستحيل أصبح مَسِير  
بنطلوني .. مش قصير

• - - - - -

## المجاعة

لسه فاضل ع المجاعة

يا بلدنا .. ربع ساعه

إتنهبننا .. وانضربنا

وانحلبنا .. يا جماعه

إشتروا الثوره وباعوا

تاجروا فى رغيـف اللى جاعوا

القلم .. قطعوا دراعه

و ( البتاع ) .. وياه ( بتاعه )

لسه فاضل ع المجاعة

• - - - - -

## الصحافه

الغنى .. يطلق غَزَّالُهُ  
والفقير .. بايع عزاله  
والصحافه هى هى  
ألف إسم قديم مازالوا  
يا عمود خرسانى فينا  
إنت غرقت السفينه  
و ( الفلول ) جوه المدينه  
للأسامى الطاهره زالوا  
الغنى .. يطلق غَزَّالُهُ

• - - - - -

## أمي

صدقى بالله يا أمى  
لسه جوه القلب همى  
حتى أسفلتك يا طاهره  
لسه شايل نهر دمی  
صبرینی ع المواجه  
لما روحت لقيتني راجع  
حضري كل البرادع  
لى كان دايس فى إسمى  
صدقى بالله يا أمى

• - - - - -

## دين محمد

إنت دينك إيه ؟ .. جاوبنى

إنت ليه دايما ساببنى

دين محمد .. عمره أبدا

ما يعادينى .. ويحاربنى

إنت بتحرف آياته

إنت بتخرف فى ذاته

إنت بتجرف بيوته

يا اللى م الجنه شاطبنى

إنت دينك إيه ؟ .. جاوبنى

• - - - - -

## المبنى

مازال المبنى .. مش هو  
مفیش إبداع .. ولا قوه  
ولسه هناك بنات الليل  
بتسكن فى الضلام جوه  
يا ديل الأفعى يا واضح  
فى فعل دنئى .. حقير .. فاضح  
وبير الليل صبح ناضح  
يا ناس شايله حروف نسوه  
مازال المبنى .. مش هو

. - - - - -

## ست الحزن

يا ست الحزن .. يا طيبه  
سواقى الشر قلابه  
وانا مش قادر اتحمل  
ولا قادر على الغيبه  
فسامحيني إذا سيبتك  
أنا اللى ياما كسبتك  
وعزيتك على مصيبتك  
وانا يا حبيبتى فى مصيبه  
يا ست الحزن .. يا طيبه

• - - - - -

## الموجه

جريت كل حاجه  
الفكر .. والسذاجه  
وهزمنى كل واحد  
بيركب أى موجه  
عيني عليكي يا امه  
نفس الأبالسّه هما  
ولا حد عنده ذمه  
إلا صاحبي الخواجه  
جريت كل حاجه

• - - - - -



## صاحب شاحب

تَتَفَرَّعَنَّ لِيهِ يَا صَاحِبْ ؟

قَالِي : عَلْشَانْ مَصَاحِبْ

عَضُو الثَّوْرَةِ الْفَلَانِي

فَهَمَسْتُ لِيهِ : مَرَا حِبْ

الرَّبِيعَ جَنِيهِ خَرْمَتِهِ

قَرَشَ الْمَعَاشَاتِ قِسْمَتِهِ

عَلْشَانْ صَاحِبُكَ عَزَمَتِهِ

عَلَى رُوحِنَا فِي جَوْ شَاحِبْ

تَتَفَرَّعَنَّ لِيهِ يَا صَاحِبْ ؟

• - - - - -

## المصالح

ألف إسم وإسم بانوا  
نصهم يا حبيبتى خانوا  
واللى فاضل لسه ناوى  
يقتل الناس اللى صانوا  
يا بلد .. كلك مصالح  
الجميع عايز يصالح  
الغبى .. أبو وش كالح  
كلهم داخلين بيبائه  
ألف إسم وإسم بانوا

. - - - - -

## البرتيته

قامت ( البرتيته ) .. إصحى

إسمعى يا حبيبتي نُصحى

إنتى مش محتاجه ( ريس )

إنتى محتاجه لقمحى

غربليهم .. غربليهم

أيوه يمكن تلقى فيهم

شخص يتشطر عليهم

شكله راجل .. لونه قمحى

قامت ( البرتيته ) .. إصحى

. - - - - -

## حسين سالم

إرهابي .. لأه .. ومش مسالم  
ثوري .. وربك .. هو الى عالم  
يا مصر يا الى .. حالفه تصلى  
لو حتى واقفه .. على السلام  
وحياة عيونك .. الواد ده خالك  
دبّل غصونك .. دمر كيانك  
فتح بيانك .. لأولعبانك  
لحسين أفندي .. و والده سالم  
إرهابي .. لأه .. ومش مسالم

• - - - - -

## إحنا الغلابه

أنا اخون سيادتك .. أنا ؟ .. لا يمكن  
ولا غير عنيكي .. يا مصر أسكن  
أنا .. باحبك .. وجوه قلبك  
ولا لى غيرك فى الدنيا مسكن  
آه يا حبيبه .. يا اللى انتى طيبه  
هاصبح فى لحنك .. بحة ربابه  
إحنا الغلابه .. دوسنا الديابه  
والثوره كانت .. لينا مُسْكِنُ  
أنا اخون سيادتك .. أنا ؟ .. لا يمكن

• - - - - -

## الكابوس

كرباجه ياما .. لسع ضهورنا  
بعدين دخلنا .. ضلام قبورنا  
ما قلنا حاجه .. ولا عيدنا حاجه  
والسلطه كانت .. كابوس كسرنا  
وسكتنا ياما .. وياما دوخنا  
ياما سمعنا .. كلام شيوخنا  
في نار ورائه .. إحنا انطبخنا  
ثورنا ويناير .. حدد مصيرنا  
كرباجه ياما .. لسع ضهورنا

• - - - - -

## خوفو

ألف حزب وحزب طافوا  
ع البلاد .. أصحابنا خافوا  
قالوا لينا جملة غامضه  
( الخروف محتاج لُصوفه )  
واحنا مش فاهمين حديثهم  
واحنا مش عارفين أساسهم  
واما بصينا لناسهم  
شفنا ألف وألف خوفو  
ألف حزب وحزب طافوا

• - - - - -

## الواعظ

الكل .. أَلَهَّكَ  
وغرورك .. شَوَّهَكَ  
مالقيتش أَى واعظ  
للرب يوجهك  
يا فاقد الهويَّه  
الشله .. هىَ هىَ  
غرقانه فى شبر ميَّه  
فى سجن بيندهك  
الكل .. أَلَهَّكَ

• - - - - -



## القُلّه

ينعل أبوكوا .. شله  
خليتوا مصر ( قُلّه )  
بتشربوها .. واحنا  
عطاشى فى ليل مذلّه  
أعداء الرب إنتم  
من أول لحظه خُونتُم  
فوق القفا .. خَتَمْتُم  
حولتوا الفيل .. لنملّه  
ينعل أبوكوا .. شله

. - - - - -

## خيال مآته

قائد حزب الغتاته  
خارج آخر ألاته  
ماسك أوراق كتيره  
فيها مليون خريطه  
وعصايه تحت باطه  
في حديثه .. بان شياطه  
ولما روحنا بينه  
شفناه خيال مآته  
قائد حزب الغتاته

• - - - - -

## السنيڊ

مالڪشي في السياسه

يا عبد للدناسه

( سنيڊ ) لكل سافل

ومدمن للنجاسه

مليون قناع في إيدك

الكرسى العالى .. سيدك

صوت البغال نشيدك

يا كلب للحراسه

مالڪشي في السياسه

• - - - - -

## الجزمه

يا أمه ممسوخه  
الشيخ .. مع الشيخه  
ماشيين مع صاحبك  
أبو رجل مسلوخه  
قومي اقلعي الجزمه  
إللى اخترع أزمه ..  
ما عادش لهُ لزمه  
يا أسيره فى الدوخه  
يا أمه ممسوخه

• - - - - -

## سرطونا

سرطونا ولسه برضه  
الجبان زارع في أرضه ..  
( كانتلوب ) كبير .. مسرطن  
للفقير يا مصر هده  
إفتحى كل العنابر  
لى كان ساكت وصابر  
وافتحى برضه المقابر  
لى حبل الذل شدّه  
سرطونا ولسه برضه

• - - - - -

## الشحط

ولا يوم هاترتاحى  
طول ما الجبان صاحى  
طول ما الفلول قاعدين  
على روحى وجراحى  
الليل .. كما هو  
فيه شحط من جوه  
والبلطجى .. قوه  
خلاكى بتنوحى  
ولا يوم هاترتاحى

. - - - - -

## القطه

دَخَلْتُ فِي عَزِّ الصَّبْحِ  
تَشْبِهَ دُخُولِ الرَّمْحِ  
قُطَّةَ نِيرَانٍ وَلَهْيَبِ  
حَرَقَتْ غِيْطَانِ الْقَمْحِ  
يَا أَمْنَا السَّاكْتَهُ  
صَبَحَ الْوَزِيرُ نَكْتَهُ  
هَاتَمُوْقِيْ بِالسَّكْتَهُ  
بُوزَارُهُ عَايِزُهُ شَرْحِ  
دَخَلْتُ فِي عَزِّ الصَّبْحِ

• - - - - -

## عواد

جبل الأطماع .. دائما شُدْه  
وبينسى كتير دائما فرضه  
إبن الأباليس .. ملعون وخسيس  
عواد باع أرضه .. وباع عرضُه  
وصبح مسجون .. جوه مداسه  
بينافق دائما حراسه  
جواه وسواسه وخناسه  
مع إنه زمان .. كان مين قده  
جبل الأطماع .. دائما شُدْه

• - - - - -



## البرقع

لا حياء كان فيه .. ولا فيه ( بُرّقع )  
فدادين مسروقه بتتسقع  
وعصابة زور .. برئيس مغرور  
وهدوم دولتنا بتترقع  
يا حصان مطلق جوه الرحله  
( 30 سنه ) واكثر فى الوحله  
والدنيا بدون صوتك أحلى  
مش عايز اشوفك .. ولا أسمع  
لا حياء كان فيه .. ولا فيه ( بُرّقع )

• - - - - -

## الكذابين

يا كذابين الزفه .. إصحوا هيصوا  
مليون قناه .. مفتوحه ليكم .. إرقصوا  
واتهندسوا .. قولوا الكلام الأرزقى  
إن شا الله حتى لو تعبْتُوا .. تنعسوا  
السهره محتاجه ( رزم )  
إكذب يا صاحبي ( إذا لزم )  
وان هددوكم بالجزم  
علوا في صونكم .. قولوا حاجه .. إرفضوا  
يا كذابين الزفه .. إصحوا هيصوا

• - - - - -

## الدستور

بالإنتخاب.. نبدأ بقی.. واللا (القانون )  
یعلی النقاش .. بعقول مصابه بالجنون  
( یحیی الجمل ) .. ینطق کلام .. عکس الی فات  
(وعصام شرف) إنسان رقیق هادی حنون  
یا أصل أصل السفسطه  
الصیف وصل .. واللا الشتا  
إحنا شبعنا مرمطه  
وشبعنا من جوع الیتامی والدیون  
بالإنتخاب.. نبدأ بقی.. واللا (القانون )

. - - - - -

## العسكره

إحنا شبعنا عَسْكَرَه  
وبيبان حديد متسنكره  
خطوه بنمشى للأمام  
بعدين خطاوى للورا  
إحنا غرقنا فى يأسنا  
خنقت سحابه شمسنا  
ما تحكمينا بنفسنا  
أيوه .. كفايه مسخره  
إحنا شبعنا عَسْكَرَه

. - - - - -

## ست الملاح

بالثوره .. قومي اتفشخري

من كل ( ناقد ) إسخري

أنا كل ما اجى فى الميعاد

ما اعرفش ليه تتأخري

يا حبيبتى يا ام البيت براح

المخبولين .. ماسكين سلاح

محسوده يا ست الملاح

إصحى عشان تتبخري

بالثوره .. قومي اتفشخري

. - - - - -

## عشره طاولة

مليارات في كل دولة  
لسه محتاجه مداولة  
أصله .. خنزير الزرايب  
من زمان .. خدنا مقاوله  
باع أراضى بلدنا .. باعها  
بالفيران .. داسوا سباعها  
واما تور الخوف صرعها  
كنت بالعب عشره طاولة  
مليارات في كل دولة

• - - - - -

## إختارت

إختارت .. ما استشارت  
عواجيز على أرض بارت  
إختارت ناس قديمه  
وانا كنت عليها شارط  
تشورنى .. وتتشيرنى  
ما دامت بتعاشرنى  
منشار الليل نشرنى  
والزحمه على جارت  
إختارت .. ما استشارت

. - - - - -

## المقشه

الدقن .. هشه .. هشه  
واحننا ماسكين فى قشه  
يهمسلى : ( الجنه جايه )  
واحننا عايشين فى عشه  
يا عم الشيخ فارقنى  
صوت الأحزاب سرقنى  
حتى المشلول سبقنى  
وانا راكب ع المقشه  
الدقن .. هشه .. هشه

• - - - - -



## الفار

إنت فين دلوقتى .. إنت ..  
فار بيجرى ف كل حته  
الحياه .. صبحت مصايد  
والوريد مسدود بجلطه  
آه يا خلطه للمعاصى  
كنت لازق فى الكراسى  
إنت لو حتى ( مَجُوسى )  
كنت مش هاتشوفنا ( تورتته )  
إنت فين دلوقتى .. إنت

. - - - - -

## خالتي الحاجه

يا خالتي الحاجه .. رايجه ..  
على فين .. ومعاكي سبجه  
أنا أمي .. عايزه فرحه  
والفرحه .. عايزه قمحه  
يا قمحة الجواءه  
جايلك .. سمعاً .. وطاعه  
أحميكي م المجاعه  
واوهب عنيكي فرحه  
يا خالتي الحاجه .. رايجه

• - - - - -

## العساكر

يا مجلس العساكر  
أنا ليكم .. ألف شاكر  
شایل فی الروح جمیلکم  
عمری ما كنت ناكر  
كل احترامنا ليكي  
تحمي الحدود إيديكي  
إحنا شعبنا ( كاي )  
والشعب لسه فاكر  
يا مجلس العساكر

. - - - - -

## رياض

زحمه الميدان .. ومفيش قدم  
ملايين بتتحدى العدم  
أطفال .. بنات .. وشيوخ .. شباب  
بيدمروا أكبر صنم  
لما الرصاص يا حبيبتى زاد  
صلينا جوه ميدان ( رياض )  
بصيت على دم الولاد  
ومسحته بقماش العلم  
زحمه الميدان .. ومفيش قدم

. - - - - -

## ألف فيل

لو كنت كافر .. مستحيل  
تبعث لشعبك ألف فيل  
مليون جمل .. مليون حصان  
مليون جبان .. مليون قابيل  
في السجن موت يا ( أبرهه )  
ويا عصابه مشوّهه  
الأمه فايض صبرها  
يا دنئ .. يا أسوأ عذرائيل  
لو كنت كافر .. مستحيل

. - - - - -

## مدد

مدد مدد .. مدد مدد

ما تشدى حيلك يا بلد

وان كان فى أرضك مات شهيد

فيه ألف غيره هابتولد

ما تقلقىش .. ما تيأسىش

لو شوفتى غول الحزب جيش

شعبك لابد ف يوم يعىش

يا طابور إيمان مالهوش عدد

مدد مدد .. مدد مدد

. - - - - -

## المملكة

ولا حد داری بأى شئ  
ولا حد حارس للطريق  
الكل نايم ع الودان  
أبيض .. بقُصه .. خفيف .. رقيق  
سيبك بقى م الفبركه  
وان كونتى غاويه أنتكه  
أرجوكى عودى ( مملكة )  
يا مغرقه .. قلب الغريق  
ولا حد داری بأى شئ

. - - - - -

## العبايه

يا ام العبايه بألف لون  
إيه اللى فاضل فى العيون  
دمعه على القبر الجديد  
والتانيه فوق باب السجون  
يا ساجنه روحى بالخطب  
من كل واحد لهُ قتب  
لو عايزه نار .. قلبى حطب  
ما اقدرش أبدا يوم أخون  
يا ام العبايه بألف لون

• - - - - -



## رايحه فين

ولا حد عارف رايحه فين  
ولا حد عارف إنتى مين  
يا بهيه ليه .. حاضنك غريب  
وهجرتى بعد سنين ( ياسين )  
أرجوكى .. مش قادر على ..  
كل اللى سرقك فى الصلا  
يا الا ازرى جوه الخلا  
نخلة حنان .. للقلقانيين  
ولا حد عارف رايحه فين

• - - - - -

## طواحين الهوا

يا ( دون كيشوت ) .. إهمد بقى  
إحنا شبعنا .. م الشقا  
وانت .. ولا همك بلد  
يا اللى حياتك سيئه  
يا ابن الأفاعى .. يا خسيس  
دمّرت فى قسم البوليس  
إبليس .. جعل منك جليس  
بكره تبوسك مشنقه  
يا ( دون كيشوت ) .. إهمد بقى

• - - - - -

## المسبب

لِلْمَسْبِبِ .. فَضُّوا سَكه  
الْمَسْبِبِ .. كله برکه  
کلنا فاشلین .. وهو ..  
جی یفتح لینا عکه  
بَخْرُوهُ علشان خاطرنا  
بلغوه بیعت فطارنا  
إحنا سیف الجوع شطرنا  
واللی خان .. أحواله سالکه  
لِلْمَسْبِبِ .. فَضُّوا سَكه

. - - - - -

## المبخرة

وصل المهرج فجأه .. باس ناس الميدان  
حاوى غريب الشكل.. سئ.. أولعبان  
حافض آيات الله .. عشان يهزم بها ..  
كل اللى حاول يرفعك جوه المكان  
دخل الزحام.. شايل معاه المبخرة  
مدمن كلام .. مدمن دعايه ومنظره  
جابهك يا مصر الحب والأساطير ورا  
لو يوم واجهنا بالتهم .. هو المدان  
وصل المهرج فجأه .. باس ناس الميدان

. - - - - -

## الإئتلاف

الإئتلاف .. والإتحاد .. والإتحاد والإئتلاف

يعلى الكلام فى حاجات كتير .. يعلى الخلاف

والعسكرى المزنون فى بدله ضيقه

بعد ابتداء المعركة ما بينكوا .. خاف

يا بياعين الوهم .. يا أصل العلل

إهمال مازال ع الشاشه .. والراديو خلل

والشعب صابه الإكتئاب ويا الملل

والطفل ويا الطفله ناموا بدون لحاف

الإئتلاف .. والإتحاد .. والإتحاد والإئتلاف

## المسَخَسَخ

تلقاه دايما مَسَخَسَخ .. في الفرح والبكا  
في كل شئ ييلبخ .. ومدمن لكلكه  
قدام مليون قناه .. القلب ضاع وتاه  
وكأن بلدنا صبحت .. علشانه مملكه  
أخرج بره الخريطه  
الناس صبحت حويطه  
في ميدان تحريرنا ظيطه  
والشيخ في قنائه قالى : بلدكوا مشركه  
تلقاه دايما مَسَخَسَخ .. في الفرح والبكا

## إنتهازي

يحيى .. ويونس .. وعصام نيازي  
ماشى الحرامى .. مع انتهازي  
فين الحقيقه .. يا عيون بريئه  
يا اللى عانيتوا .. من ألف نازى  
ما تغربليهم .. يا مصر .. يا اللا  
شبعنا منهم .. زمان مذكه  
ما تخلصى بكره .. يا أمى أحدى  
دا احنا اتهرينا .. من التعازى  
يحيى .. ويونس .. وعصام نيازي

. - - - - -

## التوأم والبلطجه

توأم .. قمى الشكل .. طبعه بربرى  
يشبه فى ريحته وحتى شكله الجنبرى  
مليون شيطان يا حبيبتى جوه قلبهم  
خلى معاهم يا حبيبتى عسكرى  
دول محتاجين (الخانكه) لاجل تضمهم  
دم الهبل و الكذب جارى ف دمهم  
جابوا الدمار والعار يا مصر لأهمهم  
التعليين .. هتفوا زمان للمفتري  
توأم .. قمى الشكل .. طبعه بربرى

-----



## أسواق النخاس

لسه (الفلول).. جوه الوزاره بدون عدد

بيدمروكى .. يدوسوا قلبك يا بلد

ويبيعوا إبنك .. جوه أسواق النخاس

وبيطعنوا .. كل الى كان ليكى سند

قومى اكشفى الورق الى باش

بكاش .. ومدمن فى الفلاش

دول ضيعوا عمرك بلاش

وهايفضلوا .. دايسين عليكى للأبد

لسه (الفلول) جوه الوزاره بدون عدد

. - - - - -

## بردعة الجحش

لو كنتى منى عايزه  
هاديكي ألف جايزه  
طول عمرك يا حبيبتي  
بكل حاجه فايزه  
ما انتى أصل الخلافه  
وانتى قصر الخليفه  
قولى لابو شال قطيفه  
بردعة الجحش جاهزه  
لو كنتى منى عايزه

. - - - - -

## سبب البلاوي

ما تحبسكوش كلابكم  
على أى حد سابكم  
بتحطوا كل حاجه  
حتى المصحف .. فى جيبكم  
إنتوا سبب البلاوى  
وإنتوا لإبليس تقاوى  
( شمهورش ) كان مخاوى  
إبن الغشاش .. حبيكم  
ما تحبسكوش كلابكم

. - - - - -

## الفشخره

ما تفرحيش بالفشخره

ما تقفليش المندره

قومي افتحي كل البيان

إعطى الجعان .. كوز الدرّه

واتوصى بالأطفال بقى

عصافير .. جعانه زقزقه

خليها جاهزه المشنقه

لكلاب بتنبح فى طره

ما تفرحيش بالفشخره

• - - - - -

## بطرس

البغل .. هد المصطبه  
قتل الجميع يا طيبه  
داس المبادئ والقيم  
علشان سيادة الأغربه  
وليسنا في هدوم البالات  
نمنا جوعه من سكات  
فجأه الولاد .. ويا البنات  
هزموا الكلاب .. والههبه  
البغل .. هد المصطبه

• - - - - -

## الغليان

وصلنا يا حبيب  
درجة غليان رهيبة  
خرجنا مره واحده  
دوسنا على الديابه  
ورجعتى لينا .. لكن  
الجو لسه داكن  
موجود جوه الأماكن  
فلول .. ولصوص .. وغابه  
وصلنا يا حبيب

• - - - - -

## الريحه

يا صاحبة المكانه  
يا أمنا المصونه  
حبى .. دليل براءتى  
م السرقة .. والخيانه  
الريحه لسه باينه  
فى قلوب دنيئه .. خاينه  
ليكى يا حبيبتي عاينه ..  
خناجر الإدانه  
يا صاحبة المكانه

. - - - - -

## العويل

عويل .. عميل .. أنانى  
راجع يندهنى تانى  
أرجوك مش عايز اسمع  
ولا اشوف وشك يا جانى  
يا هادم كل حاجه  
وراكب كل موجه  
عيشتك والله عوجه  
وميدانك .. مش ميدانى  
عويل .. عميل .. أنانى

. - - - - -



## بلاد الله

لما انتى ضيعتى معاه

إتهزّ قلبى بآه

سالت دموع العين

جوه بلاد الله

يا جريحه من يومك

سرق الجبان نومك

أنا قلبى خدامك

لو تسمعى شكواه

لما انتى ضيعتى معاه

. - - - - -

## صوت السكوت

الناس دى كانت ( أهل لوط )  
الجيش خلق علشانها صوت  
لكنها .. مع سنها  
حَكِمَت على ( قلمى ) بموت  
ينعل أبو صوت السكوت  
الفار ( إذا .. كان أخطبوط  
يا جيش شريف .. كون ألف سيف  
فى الزيف .. وساكنين التابوت  
إحمى الشريف .. دا (وزير ) مخيف  
خلى معاك كل الخيوط  
ما تخلنیش .. أبدا يا جيش  
أصبح معارض للطاغوت

. - - - - -

## الحزب الوطني

وخلصنا م الحزب الوطنى .. ورجعنا للحزب الوطنى

( نسوان ) على الكرسى بتمضى

قرارات كثير .. وجعت بطنى

( نسوان ) معاهم رجاله

مخنسين لابسين فساتين

هايشطبوا ع الخياله

وهاينهباوا كل البساتين

يا مصر مش عايزين خاين .. يا مصر مش عايزين (خناس )

غنيينا وزرعنا جناين .. وانداس قلمنا من الأنجاس

• - - - - -

## نہال

حوش یا عصام یا شرف  
دی ( نهال ) .. معاها الزیف  
إزای قلم یتقصّف  
فی دنیة التزییف  
شطبونی .. یا للأسف  
شکل الحکومه مخیف  
لو زاد فی قلبی القرف  
هابکی علیک یا ( نظیف )  
دی ( نهال ) .. معاها الزیف

■ ■ ■ ■ ■ ■

## الكرسي

أنا بابي متخلع  
وعصام شرف زهقان  
كل اللى خاف يرجع  
بيننا ( 200 فدان )  
( الكرسي ) لو يسمع  
صوتى .. تضيع أحزان  
الكل متدلح  
إلا إبراهيم رضوان

. - - - - -

## سيادة المشير

يا سيادة المشير إحققنى  
من كل الوجوه الصفرة  
دا قرار الكلاب غرقنى  
ملعونه القلوب الكافره  
أرجوكى يا خالتى الحاجه  
تمضيلى يا أعلى رئيسه  
فى قرارك ما تبقيش عارجه  
أرجوكى بلاش الكوسه  
دا قرار اعتزالى فى جيبى  
ملعونه الكراسى العوجه  
أرجوكى يا مصر تجيبى ..  
للشاشه اللعينه خواجه

• - - - - -

## الغراب

الكرسى مش دايم..

يا فلول نظام بائد

ليه الغراب حاييم

ليه الحرام سائد

ما تفوقوا يا عصابه

كانوا زمان دلاديل

ليه العويل يا ابه

ماسك لجام الخيل

يا مصر أرجوكى .. للماضى ما تنسى

نفس اللى غشوكى .. قاعدين على الكرسى

• - - - - -

## النيام

الكل فى حالة سكون .. والى على الكرسي نيام

إبنك بيغرق فى الديون ..

ولا حتى قادر ع الكلام

قومى افتحى تانى السجون

لى هايدبح فى الحمام

نهر الغباء .. خلانى اكون

أول معارض للنظام

ماقدرش اطاطى أو أخون

يا ويلنا من حكام لئام

يا مصر يا ضى العيون ..

أحمد شفيق .. هو عصام

. - - - - -



## العرش

يا مصر فوق عرشك عيون .. والضىّ في القنديل نضب  
السكه ليه مليانه بوم ..  
والقلب ليه مليون غضب  
علشان أبالسه ملعونين  
خلوني فجأه أنشطب  
يا بهيه .. بيدوسوا ياسين  
وبيمسحوا كل الكتب  
ينعل أبو كل الفيران .. الماشيه ويا أبو لهب  
قومي افتحى لينا البيان ..  
بالقوه .. آه .. مش بالأدب

. - - - - .

## الخوف

الكل ليه خايف  
يمضيلى .. آه م الخوف  
صاحى .. ومش شايف  
إن الجناح منتوف  
إمضى بقلم عارف  
إن اللى خاف مقصوف  
الكرسى ليه زايف  
واللى عليه مرجوف  
الكل ليه خايف  
يمضيلى .. آه م الخوف

• - - - - -

## أنس الفقي

( أنس الفقى ) .. قاعد

ع الكرسي .. زى زمان

ع الكرسي ديب .. ساعد ..

أعوانه .. ع الطغيان

والغُولة .. مغلوله

بتصفى فى الحسابات

الشاشه .. مشلوله

مقتوله بالتفاهات

يا حكومه مسئوله

إحمونا م الستات

. - - - - -

## أبو ملعه

أبو ملعه .. فوق ألف منصه  
أبو ملعه .. راكب ع الفرسه  
والكرسى .. جنبه التعميره  
والكوب فيه مرصوص رصه  
آه يا بلد .. فينا .. وفينا  
ميت ألف نوع بينا وبينك  
أحبابنا .. صبحوا عدوينك  
ومعاهم الناس الخرسه  
أبو ملعه .. فوق ألف منصه

. - - - - -

## رسول المعجزات

بقى فيه مليون قضيه  
وميت مليون خليه  
شرفاء .. ووجوه قديمه  
شعراء .. وبلطجيه  
أنا نيلي لسه أسمر  
مش عايز دقن .. تأمر  
إزاي في يوم هاتقدر  
تحكمنى بجلابيه  
بقى فيه مليون قضيه

• - - - - -

## الجلابيه

جلابيتك بيضه .. وقلبك مش كده  
لو نختلف وياك .. بتتحول عدا  
أفاق .. برئ منك رسول المعجزات  
يا سكه فيها الشوك جبال .. ومعقده  
ما تسيبنا نقرى بنفسنا  
في كتاب .. آياته شمسنا  
يا اللى قطعت الألسنه  
غضبان عليك سيدنا الحسين.. والسيد  
جلابيتك بيضه .. وقلبك مش كده

• - - - - -

## القرنفله

مرسومه فى عنيّه الحزينه قرنفله  
ولا ليكى فى سوق الخداع أبدا .. ولا  
يا الى انتى أكبر حاجه فى هذا الوجود  
ما يهمكيش أبدا فراغ .. أو خلخله  
إتهجى فى كل الحروف  
خلى الضرير .. يقدر يشوف  
إتحدى ضاربين الدفوف  
وان كونتى مش شايفه .. هاجيبلك مكحله  
مرسومه فى عنيّه الحزينه قرنفله

• - - - - -

## طار الحمام

لا صَوْتٌ يعلو فوق صوت الإعتصام

الكل فارد إيدِه لاجل الإنتقام

طار الحمام.. حط الحمام .. مات الحمام

صبح الكلام .. جرثومه في عيون اللئام

وانتى مازلتى مصممه تتفرجى

جوه السباق يا حبيبتي ماشيه تعرجى

حالفين بعهد الله ضرورى تخرجى

وتعبتى من كتر الفراق والإنقسام

لا صَوْتٌ يعلو فوق صوت الإعتصام

• - - - - -



## ما توحده

ما توحده يا خلق هوہ .. ما توحده  
تكشيره لون الضلمه فوق كل الوجوه  
تعلی رايات الإختلاف على كل لون  
والإئتلاف.. من كُتره خلی الناس تتوه  
نرجوکی يا ست الملاح  
حاکمی الی شایل فی السلاح  
وما ترجعیش .. للإفتاح  
دا الواد خرج .. الخالق الناطق أبوه  
ما توحده يا خلق هوہ .. ما توحده

. - - - - -

## العجول

ولا فيه لطيشكم ( كُنترول )  
جيشكم تثار .. وياه مغول  
ما تعودوا لبوتكم بقى  
إنتوا اتساويتوا بالأفول  
أرجوكوا سيبوا السفسطه  
والإنقسام .. والبلبطه  
أبو ( دقن ) .. هاشد الغطا  
ويقيم حدوده ع العجول  
ولا فيه لطيشكم ( كنترول )

• - - - - -

## نصيحه

أنا بأنصَحَكَ .. تسكت بقى

مالك ومال المشنقه

إنت بقيت زَيِّه تمام

محبوس فى أوضه ضيقه

مع إنك انت فى المييدان

بتخلّى كل الكون مَدَّان

سجان وجوه عنيك تبان

كل الأمور السيئه

أنا بأنصَحَكَ .. تسكت بقى

• - - - - -

## اللوبي

سابق عليكى النبى  
تتجاهلى عقل الغبى  
وتنضفى قلبنا  
من كل شئ لوبى  
يا شامخه من يومك  
داس الهتاف نومك  
أنا قلبى خدامك  
من روحى يا الا اشربى  
سابق عليكى النبى

• - - - - -

## مجنون

على كل صنف ولون  
آه يا ميدان مجنون  
سهران تغنى لمين  
يا دبيح بسيف مسنون  
آه يا حمام الدوح  
قلب المييدان مدبوح  
وامه وراه بتنوح  
الله يكون فى العون  
على كل صنف ولون

. - - - - -

## فوق المصلية

نومتك .. على عنيه

فوق المصلية

جوه ميدان مشروخ

بشيوخ .. أفنديه

آه يا حبيبتى و آه

الصبر فين هالقاء

قلبي وصل مسواه

مع ناس ماهش هى

نومتك .. على عنيه

. - - - - -

## القرع

أتوضى من نبعك  
وامشى على طبعك  
وافتح قفص صدرى  
علشان دخول سبعك  
بس انتى .. مش إنتى  
جوه الميدان بينتى  
مسروقه بالسنتى  
يا ويلى من قرعك  
أتوضى من نبعك

. - - - - -

## الحیہ

بیہدلو فیکی  
ویطرفوا عنیکی  
بالضافر المسنون  
وبیلعبوا بیکی  
ما تفوقی یا ولیہ  
یا واقعہ فی الخیہ  
جوه المیدان حیہ  
بصہ بخداع لیکی  
بیہدلو فیکی

. - - - - -



## عفریت یهودی

ینعل أبو المواوی  
والقلب لو مخاوی  
عفریت یهودی سافل  
واللی یرفض یداوی ..  
جراحك یا حبیبه  
یا منبع الطیابه  
جوه المیدان دیابه  
ولصوص وألف حاوی  
ینعل أبو المواوی

• - - - - -

## كلب الجوى

رُخى كمان .. رُخى  
وان لحظه هاتنخى  
أنا هاسندك يا امه  
من بعد ما تطخى  
كلب الجوى النباح  
وتدوسى ع الأشباح  
إزاي يتيم يرتاح ..  
طول ما الشراع مرخى  
رُخى كمان .. رُخى

• - - - - -

## مليون عمر

جوه الميدان .. مليون عمر  
جايب معاه .. مليون قمر  
بيقول ( يا كل الشعب فوق  
صوت القانون ليكم أمر  
متكعبلين كده ليه بقى  
إنتوا جرالكم إيه بقى )  
جابوا حبال المشنقه  
شنقوه فى لحظات السمر  
جوه الميدان مليون عمر

## الضجر

بيضه .. معاها حجر  
خيمه .. بتحضن غجر  
يا ألف رأى خطير  
عقلى خلاص انفجر  
ما توحّدوا ( الصيحه )  
فى الجايّه .. والرايحه  
آه يا جموع نايعه  
صابنى خلاص الضجر  
بيضه معاها حجر

## مقام أُمي

أرجوکی یا الا افرزی  
قومی قوام جهزی  
نفسک .. لا یکن یوم  
تتباعی .. أو تتأذی  
إنتی ف مقام أُمی  
ترقینی .. وتسمى  
یصغر طریق همی  
بغنا یا .. تتعززی  
أرجوکی یا الا افرزی

. - - - - -

## قلبي وعقلي

القلب .. رايدكم  
والعقل .. رافضكم  
بس الميدان ع الناس  
بالقوه فارضكم  
خالف عشان تُعرف  
يا عقول بتتجرف  
إزاي تكون أشرف ..  
منى .. وانا سيدكم  
القلب .. رايدكم

. - - - - -

## الأستاذ

أيوه .. أنا الأستاذ  
والعسكري اللى فاز  
واللى نزل فى دماه  
فوق درب كله قزاز  
إتعلموا منى  
بصوا على سنى  
وان كنت هاتغننى  
من غيرى .. تبقى نشاز  
أيوه .. أنا الأستاذ

• - - - - -

## عم شنطح

ياعم شنطح .. ليه ها تنطح ثورتى  
ما تسيبنى لابس بنطلونى وجزمتى  
تغصبنى ليه .. على جلابيه قصيره  
أرجوك تسيبنى أقول بقوه غنوتى  
مين اللى قال إنك ( إمام )  
أو كلمه رايحه للأمام  
أنا قلبى مش ناقص علام  
يا ثوره .. إوعى بأى جاهل تهبطى  
ياعم شنطح .. ليه ها تنطح ثورتى

• - - - - -



## بودي جارد

إزاي يا سيدنا الشيخ بيحرس حضرتك

( بودى جارد ) زى ( بغال ) بتجرى ف سكتك

أيام زمان .. نام الفاروق .. تحت الشجر

قلبه رقيق .. إسلامى .. تسلم جتتك

إرحل ياعم الشيخ وغور

السكه مش ناقصه غرور

نظرة عنيك مليانه زور

والحرف جنب الحرف نار فى كلمتك

إزاي يا سيدنا الشيخ بيحرس حضرتك

-----

## الطبول

بتقول ( فلول ) .. إنت الفلول  
وانت اللى ( ديل ) .. كل الديول  
بتدوس على الثوار .. بنار  
يا ( عميل ) .. وبتلخبط عقول  
يا بهيه .. قولى رايحه فين  
الى ناداكى .. مش ياسين  
دول آفاقين .. دول مأجورين  
لا يملكوا .. إلا الطبول  
بتقول ( فلول ) .. إنت الفلول

. - - - - -

## الخيـام

إبنى الخيام .. جوه الميـدان .. من عضمنا  
يا أولعبان .. يا عميل لكل الأزمنه  
ما تسيننا نبني البيت بقى.. من غير زعيق  
من غير جبال أخبار دميمه .. محزنه  
هو انت مين .. أو جاى منين  
يا (جعجعه) .. من غير (عجين)  
إدخل ميداننا بالهجين  
واشطب بخنجر.. بين إيديك.. على إسمنا  
إبنى الخيام.. جوه الميـدان.. من عضمنا

. - - - - -

## النعل

صلى على الى هائششفعلك  
الواد ده عمره ما كان بعلك  
ولا كان فى يوم شائل همك  
ولا حتى ابنه هايطلعلك  
ما توحدى ربك يا امه  
يا تايهه فى زحام الزحمه  
لو شوفتى ابن بدون رحمه  
دوسى على قلبه بنعلك  
صلى على الى هائششفعلك

. - - - - -

## شغل العيال

شغل العيال ده .. ماينفعنيش  
إزاي تقول ( الزور ) ع الجيش  
حامى حماك .. دايمًا على طول  
هو اللى جاب لجناحك ريش  
فى الثوره .. كان للكل شريك  
ولاسب عويل يطعن فى الديك  
إسكت بقى .. الله يخليك  
ماتقولش ( يسقط ) .. قُوله ( يعيش )  
شغل العيال ده .. ماينفعنيش

• - - - - -

## الريش

أول ما هاتصوّصوّ .. هاتدوس  
على أكل عيش .. وفلوس .. وغموس  
الثورة قامت بيك .. وعليك  
فبلاش تكون في حياتنا كابوس  
إرجع بقى .. خرينا نعيش  
الشعب هو .. بوليس مع جيش  
يا إبنى .. يا اللى طلعلك ريش  
ماتخلنيش في الضلمه أحوس  
أول ما هاتصوّصوّ .. هاتدوس

• - - - - -

## الطربوش

قدامى .. عاوج طربوشك  
واقف ( إمام ) على حرافيشك  
إزاي هاتدخل بيت الله  
تحتله في حراسة جيشك  
يا سيدنا .. ما توحده ربك  
لو مصر .. خليتها ف قلبك  
رب العباد هايكون جنبك  
أرجوك بلاش تنفش ريشك  
قدامى .. عاوج طربوشك

## الخنجر

يا مطمعه العاطلين فيكى  
العمى ليه كتروا عليكى  
أرجوكى .. ديكى ماهش قادر  
يدن .. ويتبارك بيكى  
ما تضربى إيد الخاين  
وتشربى من ضوء باين  
فى الزحمه .. فيه واحد عاين  
خنجر .. هايطعن معاليكى  
يا مطمعه العاطلين فيكى

. - - - - -



## رب الكون

ماتوحديش .. غير رب الكون  
ولا تندهيش .. إلا الى يصون  
بين الولاد .. موجود أولاد  
عايزين يقولوا .. ( كن ) .. فيكون  
ماتصبريش .. قلبى المجروح  
الجيش حارسنى .. فى ما باروح  
ماتسمعيش .. لهتاف ( قبوح )  
وما ترتضيش .. بكلام مجنون  
ماتوحديش .. غير رب الكون

• - - - - -

## الشجيع

كل الى هانقوله .. نعيده  
والشعب متأخر عيده  
جوه الميدان .. ألوان .. ألوان  
والرب عالم بعيده  
ملينا من ألف مظاهره  
من وحش .. ماصص في الزهره  
مليون شجيع .. غاويين شهره  
وكره (يناير) مواليده  
كل الى هانقوله .. نعيده

-----

## يا مصر يا حبي

والله عمرى ما خونت مبدأ .. أو قيم  
ولا قلت ( لاه ) بقصدى إنى أقول نعم  
أنا إبنك المتربى دايمًا ع الأصول  
عمرى ما اكون .. جوه ( المياتم ) .. صوت نغم  
يا مصر .. يا حبي  
قومى اهتفى جنبى  
أنا لسه متربى  
ع العز .. بس كثير بيضنينى الألم  
والله عمرى ما خونت مبدأ .. أو قيم

. - - - - -

## أطهر مدرسه

من صُغرى باتهجاكى غنوه مقدسه  
عارف بأنك لى أطهر مدرسه  
غطيتى قلبى .. بين عنابر كلها ..  
كانت بأصحاب الكرام متكده  
وناديتى لى فى زحام الدنيا .. جوه المعمه  
قولتلى إيه الفرق بين إنسان .. وبين الضفده  
ورفضتى وانتى معايا .. ناس السرسعه  
ونجدتى روحى من بغايا مدنسه  
من صُغرى باتهجاكى غنوه مقدسه

• - - - - -

## البندقيه

يا بندقيه.. حمايه لى .. ليل نهار متعمره  
إزاي هاكون الخصم ليكى .. بالخصام والثرثه  
وازاي فى يوم.. هانكر جميلك ع الجميع  
وازاي هاوافق أمشى دايما طول حياقي للورا  
آه يا سيادة العسكرى  
حامى القلوب م المفترى  
يا مصر .. قومی و كبرى  
واوعى فى يوم تنسى بأنك أعلى حاجه .. قاهره  
يا بندقيه.. حمايه لى .. ليل نهار متعمره

. \_ \_ \_ \_ \_

## أول هتاف

أنا في الصفوف الأولى من أول هتاف  
زارع نخيلك زهره .. فوق كل الضفاف  
وباقول بحبك .. آه باحبك يا حياه  
يا اللى انتي علمتيني عمرى فى يوم ما اخاف  
ولا اقول عليكى غير ( ضنا )  
غنوة إيمان متلحنه  
أجمل أمانى ممكنه  
يا اللى لقيتك ( جنه ) فى نهاية مطاف  
أنا فى الصفوف الأولى من أول هتاف

. - - - - -

## کلام عاطفی

لو جیت فی یوم اوصف هواکی یا مصر لازم تعرفی  
ینی هاگون یا حبیبتی (حب) بدنیتہ تتشرفی  
وان القلم.. لو یوصفک.. فوق الورق  
مش راح یلاقى غیر کلام موزون وشکلہ عاطفی  
یا معلمانی ازای اکون  
الحرّ.. حتی فی السجون  
وازای أسدد فی الديون  
بالدم.. واصبح نخله.. لاجل ما تقطفی  
لو جیت فی یوم اوصف هواکی یا مصر لازم تعرفی

-----

## الشيحه

كلبة جارتنا النباحه  
بتعض فخذك في الساحه  
عايزاكي تعفى عن السفاح  
ومعاه مراته السفاحه  
ملعون فلوسهم .. ملعونهم  
شرع الإله .. بينا وبينهم  
ماصين ولادنا .. وحالينهم  
مليون كفيل م الشيحه  
كلبة جارتنا النباحه

. - - - - -



## المركبه

يا مركبه بمليون ربان  
الموج صبح زى البركان  
إرسى بقى على باب الله  
يمكن أذان الفجر يبان  
عمه وبدله مع الطرايش  
شُرطه وناس خارجين مع جيش  
مليون هتاف .. يسقط ويعيش  
واللى غرق .. هو الإنسان  
يا مركبه بمليون ربان

## واحد في الميدان

وقابلته .. في نص الميدان  
وسألته : مين هو المُدان  
قاللى الجميع .. أنا قلت لهُ ..  
إزاي .. فقال : الكل خان  
وهتف لمصر بأعلى صوت  
ولعن فى أجداد السكوت  
واما القمر .. حاول يفوت  
قَتَلَهُ بِمِيت مليون بيان  
وقابلته .. فى نص الميدان

. - - - - -

## تليفزيون مصر

ظهر الفساد في شاشه

مزروعه بالعفاشه

مملوكه لشخص فاسد

مرفوض .. في الأصل باشا

بكلامه داس تاريخنا

قدام الكون مسخنا

ولما يوم صرخنا

جاب لينا سيجار .. وشيشه

ظهر الفساد في شاشه

• - - - - -

## الرشوه

حصل الجميع على نون نسوه

الكل أدمن فى القسوه

واحد لیس مليون بالطو

والتانى مش لاقى الكسوه

إمال دى ثورة إيه .. قولى

مش لاقى عرضى .. ولا طولى

بكره لا يمكن هاتنولى ..

النصر .. إلا بالرشوه

حصل الجميع على نون نسوه

. - - - - -

## يا ملونه

دوخينا .. يا ملونه  
يا ملونه .. دوخينا  
نضفى بالنور عينا  
سلكى فى ودان أخينا  
آه يا ضى عينا قومي  
وافرزي كل الأسامي  
خلى بالك م الحرامى  
من ( جمال ) داست علينا  
دوخينا .. يا ملونه

. - - - - -

## المساعد

شوفتيني ؟ .. لسه قاعد

ما اقدرش يوم أواعد ..

إلا انتى يا حبيبتى

وربك المساعد

يا اللى انتى فى ساكنه

السكه لسه داكنه

زحام بألف لكّنه

وخصام ونار تباعد

شوفتيني ؟ .. لسه قاعد

. - - - - -

## عشه

زهقت م المناقشه  
وحروف الكل هشه  
باغرق في زحام ميدانك  
ولا حتى لاقى قشه  
همجيه دايسه فوقى  
وانتى علشان تفوقى  
هاسقيكى من عروقى  
بس انتى ابنيلى عشه  
زهقت م المناقشه

• - - - - -

## الدفة

الدَّفَّة .. مش سليمه  
والصرخه .. ليه عقيمه  
يا ميِّماني بدرى  
بين الناس الدميمه  
زهقت من وعودك  
من صمتك .. من رعودك  
لعنوا ما يتين جدودك  
وانتى الست العظيمه  
الدَّفَّة .. مش سليمه

• - - - - -



## الرضوخ

تعبنا من رضوخك  
من قُـسّـسك .. من شيوخك  
إزاي ها يعلّى بيتك  
بالرغم من شروخك  
يا ماشيه بألف بوصله  
محتاجه سطورنا فصله  
والشعب عنده خصله  
دايما يرفض مناخك  
تعبنا من رضوخك

• - - - - -

## ياريت تأدينا

في ميدانك .. ألف قصه

وأكثر من منصفه

قاعدين نقتل سيادتك

وانتي علينا بصه

ما تقومي توجهينا

إن شا الله تموتينا

ياريت تأدينا

بدروس في أغلى حصه

في ميدانك .. ألف قصه

• - - - - -

## يا مصر

يا مصر .. نَحْسُكَ لِيهِ دَكْر  
مَعَ إِن إِسْمِكَ .. إِتَذَكْر  
مَوْعُودِهِ دَائِمًا بِأَلِي خَان  
وَأَلِي سَرَق .. وَأَلِي مَكْر  
بَكْرِهِ الْإِلَه هَايَعُوضُكَ  
وَعَلَى الْحَيَاة .. رَاح يَفْرُضُكَ  
وَأَلِي زَمَان .. كَانَ شَرْدَكَ  
مَنْ جَيْشِ أْبَالَسِهِ هَايَتَشَكْر  
يا مصر .. نَحْسُكَ لِيهِ دَكْر

. - - - - -

## الأراجوز

قاعد بيزور.. كل القنوات.. زى الأراجوز  
وكأنه لوحده.. خلى نجوم الثوره تفوز  
قاعد بيلف بكم أوراقه على الجرائد  
ويقول لجميع الناس ( خدامك .. لو هاتعوز  
إدينى مساحه اتكلم فيها.. وألف فلاش  
أنا قلبى بتاعكم جدا سيبكم م الأوباش)  
ولا عمره نطق فى كلام وحديث أبدا ببلاش  
بيروح على أى مكان إعلامى .. بياكل لوز  
قاعد بيزور.. كل القنوات.. زى الأراجوز

• - - - - -

## الأمن المركزي

العسكري الصغير  
بعد المظاهره دور  
عن حاجه تبل ريقه  
بعد الضرب المكرر  
واخذ في القسوه سمعه  
تنزل من عينه دمعه  
علشان في كل جمعه  
مالقاش غير دم أحمر  
العسكري الصغير

• - - - - -

## الحاوي

مناديل في إيدته ع المنصه بألف لون  
حاوي مفيش في دماغه شئ .. ولا يحزنون  
حواليه آلاف .. بيسقفوله .. ويهتفوا  
يلعب كمان قدامنا .. توسع في العيون  
ونحط في جيوبه الفلوس  
لفلوس جميع الناس ييوس  
ويقول ضحكت على التيوس  
أصل الخداع والكذب فن من الفنون  
مناديل في إيدته على المنصه بألف لون

. - - - - -

## يا سادتي

يرمى العساكر .. بالحجاره والزلط  
يفرح إذا ردوا الحجاره والزلط  
يجرى .. ويتنطط .. ويقلع في الهدوم  
يدخل في وسط الرحمه .. بيهم يختلط  
يرمى العساكر قنبله .. تنزل دموع  
الكل أصبح مشترك .. ومفيش رجوع  
يهرب صاحبنا يقول في خطبه للجموع  
( الى حصل .. يا سادتي .. أكبر غلط )  
يرمى العساكر .. بالحجاره والزلط

-----

## عم الشيخ

هو انت ليه .. عايز ترجعنا ياعم الشيخ ورا  
مين اللى قال .. إن السياحه .. والسباحه مسخره  
أرجوك يا سيدنا بلاش تاخذنا لعصر فات  
كانت عقول الكل فيه من غير عقول .. متحجره  
مين اللى قالك عنى مش سلفى الأصول  
أو ناسى كلمه واحده من قُول الرسول  
ما تخلنیش أنطق واقول .. إنك فلول  
واكره سيادتك .. طول حياقي .. يا عميد الثثره  
هو انت ليه .. عايز ترجعنا ياعم الشيخ ورا



## المدرّب

عندك (كساح ذهني) رهيب.. إنت واخوك  
الناس جميعا لو شافوك .. تلعن أبوك  
يا كهريا في المخ .. زايده عن اللزوم  
ميت ألف عيب.. لما الفراخ.. تعمل ديوك  
يا فضيحه فوق كل الشاشات  
إعتزلوا فورا من سكات  
إتداروا يا حثالة البالات  
الكل زى الورد.. وانتوا صراحه شوك  
عندك ( كساح ذهني ) رهيب .. إنت واخوك

. - - - - -

## كارثة

مش مطمئن لسه  
حاسس إني في كارثة  
أنا مش قادر أرسى  
رغم ظهور المرسا  
يا ام الشال على ضهرك  
لسه بيعرج مَهْرَك  
مين يقدر على مَهْرَك  
بين الناس الخرسا  
مش مطمئن لسه

. - - - - -

## ناس كدابه

آه يا حبيبتي .. في عز الفرحة  
من على شعرك .. شَدُّو الطرحه  
زرعوا الشوك .. في ميدان تحريك  
وانا أشجاري .. في حضنك طارحه  
فوقى يا أمى .. لناس مش هى  
ناس كدابه .. وناس حراميه  
جايين ليكى ( الفوضى ) هديه  
حتى ( السبحه ) .. في إيدهم واضحه  
آه يا حبيبتي .. في عز الفرحة

## المحافظ

السيد المحافظ  
لسه للماضي حافظ  
شايل صورة رئيسه  
السابق .. في المحافظ  
فاكر عشرة سيادته  
فاقد وياه إرادته  
شايف دايمًا سعادته  
في وجود بحر الحوافز  
السيد المحافظ

. - - - - .

## الشايب

التورته .. قسموها  
أكلونا .. وحلوا بيها  
كوتشينه بين ميدانك  
على بعض وزعوها  
ولقينا روحنا خاسره  
مليانه هموم وحسره  
يا شايب .. خدت ( بصره )  
غصين عن عين أبوها  
التورته .. قسموها

• - - - - -

## المهدي

مهدى .. يا منتظر  
يا نافذ النظر  
نظرك يا صاحبى خالك  
وما خدتش الحذر  
حذرك من ناس غيبه  
جاين فى المليونيه  
بكره ربح القضيه  
لا تُبقى .. ولا تذر  
مهدى .. يا منتظر

• - - - - -

## قراقوش

( قراقوش ) مازال بيقرقشنى

أصرخ .. ولا حد يحوشنى

خدنى لنهر النيل أشرب

وجرحنى بعد ما عطشنى

إحبس كلابك يا قراقوش

إحنا صبحنا فى لحظه جيوش

وانت صبحت جبان مرعوش

يا اللى رصاصك طفشنى

( قراقوش ) مازال بيقرقشنى

• - - - - -

## ناطق بسم الوزاره

قاعد جوه المغاره  
وكلامه بالإشاره  
ونقول دا مين .. يقول  
ناطق بسم الوزاره  
يا وزارة الطيابه  
الطيبه مش مهابه  
يا سايبه فى الغلابه  
يَعِدُّوا فى الخساره  
قاعد جوه المغاره

. - - - - -



## دراکولا

( دراکولا ) .. مصاص الدما

بدموعه .. باصص ع السما

حواليه شيوخ من غير عمم

المخ .. قد السمسمه

دراکولا .. يا أصل البلا

إنت أساس الخلخله

أثناء وقوفنا في الصلا

كان كل قُولك همهمه

( دراکولا ) .. مصاص الدما

• - - - - -

## سيادة اللوا

يا سيادة اللوا  
الكون بما حوى  
يضرّب تعظيم سلامه  
دا لأنك مستوى  
إرضى سيادتك علينا  
تبوس إيديك إيدينا  
وتشد بقسوه فينا  
للماضى الى انطوى  
يا سيادة اللوا

. - - - - -

## العسكري

يا عمى .. دمی مازال طری  
والبیہ سیادة المفتری  
خدنی علی ( خوانه ) .. وداس  
فوقی .. وشوّه منظری  
عوم فی بحور الدم عوم  
الظلم مش ممکن یدوم  
وانا حقى .. عمرى ما اسیبه يوم  
لو حتى فین یا عسکری  
یا عمى .. دمی مازال طری

. - - - - -

## المليونيه

في ميدانك مليونيه  
جايين مليون قضيه  
في كل ( جمعه ) نخرج  
نهتفلك يا بهيه  
مع إنك انتى عايزه  
بعملنا تبقى فايزه  
أنا عندى أعلى جايزه  
هو الرضا على  
في ميدانك مليونيه

• - - - - -

## إتسلحي

يا شايله ملمحى  
أرجوكى اتسلحى  
بيسارى شال فى همك  
أو حتى .. بـ ( ملتحى )  
وخلى بال سيادتك  
من ليل سرق سعادتك  
خليكى زى عادتك  
بشبابك إفرحى  
يا شايله ملمحى

• - - - - -

## فرقع لوز

يا ( فرقع لوز ) يا قاعد

على أكثر المقاعد

لو هانحاول نشيلك

الله هو المساعد

يا سارقنا في كل حاجه

يا كلام مليون ( دِباجه )

زهقنا م السماجه

والقرب .. والتباعد

يا ( فرقع لوز ) يا قاعد

. - - - - -

## أهل السياده

أولاد مصر الجديده

نايمين فوق الحديده

وأولاد مصر القديمه

هما أهل السياده

ما تفهميني يا الله

الناس دى فى أى ( مله )

طويل عريض .. وَصَلَى

فوق جثتى الشريده

أولاد مصر الجديده

## نبض الله

في ميدانك بلطجي  
ومعاه أونطجي  
وانتي .. ويا اللي فاضل  
واقفه تتفرجي  
وهانعمل ايه يا أمي  
يا نبض الله في دمي  
الصمت زاد في همي  
والخوف لا تخرجي  
في ميدانك بلطجي

. - - - - -



## زهقت

زهقت .. آه زهقت  
جوه الميدان غرقت  
قدامى ألف يافطه  
من صهدهم شهقت  
يا أمة العجايب  
ما تجيبى لى نايب  
الصادق لسه غايب  
وانا ضعت .. وانسرت  
زهقت .. آه زهقت

. - - - - -

## قيس

يا ليلي الحب يا اللي قتلتى صاحبك قيس  
يا أرض القسوه والحنيه والمتاريس  
يا أرض العتمه .. فين اللقمه تشبعنى  
وفين النجمه .. فين الشمس والفوانيس  
وانا يا حبيبتى.. لا أراجوز.. ولا جاحد  
ولا ساجد .. لغير الخالق الواحد  
وطول عمرى.. باحبك من طرف واحد  
برغم الديب.. برغم الضلمه.. والتهليس  
يا ليلي الحب يا اللي قتلتى صاحبك قيس

. - - - - .

## المريميه

أنا كنت فاكرك مريميه مقدسه  
أتاريكي في دنيا الخديعه مدرسه  
زوقتي لى كل حاجه ف سكتك  
وحلفتى لى إن روحك مخلصه  
فجأه لقيتني في الهوا  
يا جرح عاصى مالوش دوا  
والله لو نرجع سوا  
هاصبح حمايه لقلبك المزروع أسا  
أنا كنت فاكرك مريميه مقدسه

• - - - - -

## شنقتيني

سقيتك من شراييني ..شنقتيني  
عشقتك عشق رباني .. سحلتيني  
وجيت لميدانك الواسع عشان أشكى  
لقيتك يا عزيزة عيني بتخوني  
ضربتيني .. في كل سجونك الظلمه  
جلدتيني .. ودوستيني بميت تهمه  
لأنى قولتلك .. ( حرية الكلمه )  
ولما عطشت .. إنتى رفضتى تسقينى  
سقيتك من شراييني ..شنقتيني

• - - - - -

## ليلی

لیلایا .. یا لیلی  
إید الغریب طایله  
وانا فی المیدان .. قلقان  
على سکتی المایله  
یا لیلی .. یا عایقه  
المیه مش رایقه  
وانا روحی مش طایقه  
تتحمل اللیله  
لیلایا .. یا لیلی

. - - - - -

## المقصلة

ولا (حل) للى داسونا .. غير (المقصلة)  
للى خدونا السجن فى نص الصلا  
ولا حل غير .. إنك تقولى فى الميدان  
وحياة عيونكوا يا شعبى .. جايه الزلزله  
بس احنا نعدم كل من خان الفقير  
كل البغال اللى داستنى بدون ضمير  
نعدم كلاب .. عَضَّتْنا فى الزمن العسير  
وسابتنا واحنا عرايا فى نار الغلا  
ولا (حل) للى داسونا .. غير (المقصلة)

• - - - - -

## شقلباض

فى ميدانك .. فوق حيطانك .. يا حبيبتى شقلباض  
خادع يا حبيبتى ناسك .. خاين كل العزاز  
تلقيه فى كل حته .. لا بس مليون قناع  
بس الغريب يا صابره .. إنه بالكرسى فاز  
راكب دايما حصانك  
عارف دايما مكانك  
عمره فى يوم ما صانك  
يشرب نهره بحاله .. ويسيب لينا الرزاز  
فى ميدانك .. فوق حيطانك .. يا حبيبتى شقلباض

• - - - - -

## المستوى

كل الميدان يا صاحبي .. في المستوى نزل  
أصبح فراغ وهيصه .. وصراخ .. أصبح هزل  
مليون منصفه واقف .. مليون صنم عليهم  
قالوا للبعض لازم .. تبعد .. وتعتزل  
مع إن ميداننا كان  
بالنور والصولجان  
بعد اللى كان ما كان  
هارجع من تاني أكتب .. في الحب .. والغزل  
كل الميدان يا صاحبي .. في المستوى نزل

• - - - - -



## ديمقراطيه مزيفه

جاب الميدان .. لينا يا طاهره ديمقراطيه مزيفه  
فوضى.. وناس جايه.. قلوب خنازير.. وجوههم مقرفه  
كراهيه واضحه .. صريحه .. بتهد البيوت  
وايديين حديدى .. ودوس كرامه .. وألف صفعه ع القفا  
والإنحلال أصبح قانون  
داسوا بلال جوه السجون  
صبح الميدان .. ساحة جنون  
والناس فى كل مكان وكل زمان إيديين متكتفه  
جاب الميدان .. لينا يا طاهره ديمقراطيه مزيفه

. - - - - -

## المحرقه

مُصره ع اللقا  
في ميدان مليون شقا  
عايزاني ابعت هديه  
هابعتلك مشنقه  
لاجل اللى داسوا عرضك  
لاجل اللى باعوا أرضك  
ولما اشتد مرضك  
جابو لك ( محرقه )  
مُصره ع اللقا ؟

• - - - - -

## منير

قلب الوطن مجروح  
لا يحتمل أكثر  
نهرب وفين هانروح  
لما الهموم تكثر  
نحمى غصون الورد  
من دمع سال ع الخد  
من ليل طويل في البرد  
آه يا حبيبة الروح  
قلب الوطن مجروح

. - - - - -

## أبو الحرامي

لسه الفقير .. يِسْعَلْ  
يا لصوص الثوره .. يِنْعَلْ ..  
مايتين أبو الحرامي  
واللى م الحق يزعل  
يا ثوره .. إيه جراننا  
( العَكْ ) .. مش مجالنا  
يا ( هم ) منها جالنا  
والله بكره أنعل  
لسه الفقير .. يِسْعَلْ

. - - - - -

## المسك

يا ريحة (المسك) فُوحى

جوه كل الضواحي

يا جلاليه بيضه

دارى فى الجيب سلاحي

وقولى للبهائم

الله هو الى دايم

والى فى البحر عايم

عمره ما ينول سماحي

يا ريحة (المسك) فُوحى

• - - - - -

## اللون الزايف

كنت باجيلك خايف  
آجى أشوف .. مش شايف  
واما تقولى اتكلم  
مالقاش لى شفايف  
متراقب من خصمك  
خايف أنطق إسمك  
واما الوجدان رسمك  
رفض اللون الزايف  
كنت باجيلك خايف

• - - - - -

## الھتيفه

وياك ( ھتيفه ) داہما  
بيحبوا ( القرش ) جدا  
للدقن .. يسرحولك  
ولا يوم يغيبوا أبدا  
يا جلابيہ بيضه  
ماسك حجر وبيضه  
أنا قلبى .. بدون إفاضه  
لو شافك لحظه .. يحزن  
وياك ( ھتيفه ) داہما

. - - - - -

## فار مسلوخ

كان فار مسلوخ .. وقت هرابه  
كان جنبه شيوخ .. حارسين بابّه  
مش راضى يحيب .. بلايين فى الجيب  
ولا يمكن يرجع لصوابه  
أرجو دوسيه بالدواسه  
من طبعه بريئه يا محروسه  
إختارى عريسك يا عروسه  
إنسان بيقول إنك ( توبّه )  
كان فار مسلوخ .. وقت هرابه

• - - - - -



## أم الفلول

زهقنا م الديول  
من شئ مالهوش حلول  
وكلام معسول يخدر  
ويحير العقول  
وانا بابحث عن طريقى  
فجأه .. همس صديقى  
سوق السمك الحقيقى  
مليان ( أم الفلول )  
زهقنا م الديول

## للخلف دُر

مجرد اعتصام  
ويفضل النظام  
للخلف دُر .. يا أرضي  
طول ما السفاح إمام  
ما تدوسى ع اللى داسك  
وتردى الروح لناسك  
إوعى يموت حماسك  
فى فوضة النظام  
مجرد اعتصام

• - - - - -

## سكه عوجه

إنضفى يا سكه عوجه  
فى المحيط .. ولا حتى موجه  
يا عواصف .. زلزلينا  
صحى فىنا بألف حاجه  
إيه جراك يا أميره  
ليه عرجتى فى المسيره  
الشباب كانوا ( الخميره )  
نجحوا فى أول نتيجته  
إنضفى يا سكه عوجه

• - - - - -

## بازواریطه

یعنی ایہ ( البازواریطہ )  
یعنی ( فته ) وناس عبیطہ  
یعنی میت ملیون مرشح  
کلهم من غیر خریطہ  
لو تفوقی .. تفوقینا  
إفردی شالك علینا  
یا مدینہ .. لناس ( مدینہ )  
إحنا نمنا ع البلاطہ  
یعنی ایہ ( البازواریطہ )

• - - - - -

## المخنث

فيه قانون للدوله .. دوسته

فيه يهودى كلب .. بوسته

فيه ( سرير ) محتاجه غيرك

فيه نضيف .. إنت حبسته

للغريب .. إنت المونث

كل من وياك مدنس

إنت كنت رئيس مخنث

كلنا رافضين رئاسته

فيه قانون للدوله .. دوسته

• - - - - -

## الحیازہ

وحیاتک یا عزیزہ  
لو کان فی الجیب ( بریزہ )  
ہادیکی کل عمری  
یا صاحبۃ الحیازہ  
طُلّی علیّ .. طُلّی  
ورجعیلی ضلّی  
مش عایز یوم اصلی  
علیکی .. صلاۃ جنازہ  
وحیاتک یا عزیزہ

۔ - - - -

## الغنيمة

مالك يا بهيه .. مالك  
مشغول يا حبيبتى بالك  
كل الواطيين خانوكى  
وهربوا بكل مالك  
بس انتى يا عظيمه  
محتاره فى ناس كريمه  
أخذتهم الغنيمة  
نسيوا يا حبيبتى حالك  
مالك يا بهيه .. مالك

. - - - - -

## جلا جلا

جوه الميدان .. متبهده  
من ناس مريضه .. ومهمله  
الكل جاب ( بيضه ) و ( حجر )  
وعلى الشفايف ( بسمله )  
وانتى على سرير الفرج  
بتنادى كل اللى خرج  
يا ( مهر ) فى الزحمه عرج  
قومى وحلّى المسأله  
جوه الميدان .. متبهده

-----



## هرم الهموم

أُتداری فی القلم  
لو زاد فی الأم  
أنا كل همی إنتی  
یا ام الهموم هرم  
ودمایا بین عروقك  
فی غروبك .. أو شروقك  
ولما داسوا فوقك  
غطیتك بالعلم  
أُتداری فی القلم

• - - - - -

## مصر

موعوده يا مصر دايمًا .. بالغلب والمصايب  
في أي وكل حاجه .. مالكيش يا حبيبتى نايب  
يا صابره ع الشدايد .. والجرح والألم  
والله بكره لازم .. يرجعك اللى غايب  
يا حبيبتى .. يا كبرتنا  
يا بانيه بدم بيتنا  
جراحك كبرتنا ..  
سنين كتيره جدا .. يا ست للحبايب  
موعوده يا مصر دايمًا .. بالغلب والمصايب

• - - - - -

## النهايه

خايف علىّ من الوجوه الكالجه  
من جلابيه قصيره .. مع مسبحه  
خايف .. ولكن خوفي صحى بدون حدود  
طول عمرى كاره فى الطيور الجارحه  
قومى اكشفى العقل اللى غاب  
بين كل أطنان التراب  
الطرحه بتغطى الغراب  
وياويلنا من كل اللى شايلى أسلحه  
خايف علىّ من الوجوه الكالجه

## كفار قريش

فكرتنى بكفار قريش  
ساعة هجومك ع العريش  
داح بسيفك فى البوليس  
قاتل فى ناس من أغلى جيش  
خفاش ضلام .. و أبو لهب  
وعصابه محتاجه أدب  
وهجوم كلابى بدون سبب  
وسفاله زايدہ .. ونار .. وطيش  
فكرتنى بكفار قريش

• - - - - -

## مستقبل وردي

وغلاوتك عندي ما هاقدر اسيبك لحظه لناس ..

مُختله وبصه لدين الله .. من غير إحساس

لو شافوا الطفله بتضحك لحظه يقولوا حرام

وان سمعوا الغنوه يقولوا ( أَعُوذُ مِنَ الْوَسْوَاسِ )

أنا جيتلك اهه .. فارد يدي

بارسملك مستقبل وردي

لو نادوا ف يوم .. إوعى تُردى

ويا طاهره بلاش .. تنساقى فى لحظه ورا الأنجاس

وغلاوتك عندي ما هاقدر اسيبك لحظه لناس

• - - - - -

## الغبى

مين الى قالك عنى كافر يا غبى  
مين الى قال .. إنك خليفه للنبي  
المصطفى .. كان هادى جدا .. كان نسيم  
وانت أنانى .. وفظ .. شكلك لولبى  
عامل على الإسلام غفير  
وانت انتهازى بدون ضمير  
مكروه من الشعب الغفير  
أرجوك تسيينا لوحدا .. دا مطلبى  
مين الى قالك عنى كافر يا غبى

. - - - - -

## روبایکیا

( روبایکیا ) عقلك من عصور

قلعوك يا صاحبی م الجذور

والثوره لما نورها بان

جابت سیادتك م الجحور

فخرجت تلعن أمتنا

وقمص روحنا ودمنا

إزای هاتشطب إسمنا

واحنا الی جبینا لمصر .. نور

( روبایکیا ) عقلك من عصور

• - - - - -

## يوم الجمعة

كان كل جمعه .. جمعه

بنقيد في ليلها شمهه

دلوقتي كل جمعه

بننزف ألف دمهه

يا ثورة مصر .. فينك

بيغموا ليه عيونك

الله قادر يصونك

يا اللى انتى لينا ( جامعہ )

كان كل جمعه .. جمعه

• - - - - -



## كل الميدان

لوثت في كل الميدان يا ( أبرهه )  
قلبك لمصر الحب .. عمره ما حبها  
يا عيون ماهش قادره تشوف جوه الزحام  
غير كل حاجه مدمره .. ومشوّهه  
فارقنا .. مش عايزين لقاك  
ولا في الميدان .. نفضل معاك  
إبليس وصل .. جايب عشاك  
يا اللى انت ناوى لمصر تكسر ضهرها  
لوثت في كل الميدان يا ( أبرهه )

. - - - - -

## أعلام سوده

أعلامكوا سوده .. وروحكوا أغمق من كده

يا جلابيه قديمه فوق جتت العدا

ماهى ( إسلاميه ) م البدايه .. بدون حدود

يا مُشركين بالشعب .. صوتكوا بدون صدی

فی قلوبكوا نار الجاهليه المفزعه

عصبيه .. زائد ضحكه .. زائد سرسعه

أرجوك ما تقرفينش بصوت الضفده

وبلاش تهد ضريح حبيبتى ( السيده )

أعلامكوا سوده .. وروحكوا أغمق من كده

. - - - - -

## السد المنيع

إزاي تعلمنى أصول الدين يا أجوف .. يا بدين  
إزاي وانا لله ولكتابه .. وللهادى بادين  
الدنيا بصه عليك وقايله عليك كلام مالهوش لزوم  
وانت .. جميع الناس فى نظرك مفسدين .. أو كافرين  
يا عيون بتزعر للجميع  
فى دَخلتِك .. خرج الربيع  
يا ( سد ) فى نقاشك .. منيع  
أرجوك بلاش تناقشنا دايما بالإيدين  
إزاي تعلمنى أصول الدين يا أجوف .. يا بدين

. - - - - -

## التطرف

أرجوك بلاش تطرف  
وبلاش أفكار بتقرف  
لو تدخل جوه خيمتك  
والله يبقى أشرف  
يا عصور الجاهليّه  
والنظرة الوهابيه  
ع السكه الإسلاميه  
أنا ماشى وبكره تعرف  
أرجوك بلاش تطرف

. - - - - -

## الفريسه

بلدنا .. مش فريسه  
يا خسيس .. ماهش خسيسه  
بلدنا طاهره دايما  
يا منبع الدناسه  
سيبها أرجوك في حالها  
النحل زمان نحلها  
والأخطبوط سحلها  
في الجامع .. والكنيسه  
بلدنا .. مش فريسه

• - - - - -

## كان فيه

كان فيه بطاله وانفلات أمني .. (تردى ) في كل شئ  
كان فيه زباله .. وانحدار وطني .. وزحمه ع الطريق  
كان فيه .. ولكن زاد .. وفاض ع الناس .. وأصبح ميت جبل  
ومازلنا جوه الزحمه مش لاقين صديقه ولا صديق  
إسمع ياعم الحاج .. روح  
يا مناقشه بتزيد الجروح  
فكرك مازال تحت السفوح  
واحنا الى شيلنا بلدنا .. راح نحميها من فكر المسئ  
كان فيه بطاله وانفلات أمني .. (تردى ) في كل شئ

. - - - - -

## المظاهره

بين المظاهره والمظاهره .. مظاهره إصحاوا كلکم  
جيش الرايات السوده جوه الزحمه جی یدلکم  
فوقوا .. وإوعوا تغرقوا بين الزحام جوه الخلاف  
بصوا ف کتاب الله .. وشرع الله .. وهو یدلکم  
ما تسمعوش للأغییا  
دول کفروا فی الأنبیا  
إزای هاتبقوا أضحیه  
دوسوا غیلان رجعیه عایزه تدوس بضلمه نسلکم  
بين المظاهره والمظاهره .. مظاهره إصحاوا كلکم

. - - - - -

## 29 يوليو

الجمعه .. كانت ( لم شمل ) لقلبنا  
فجأه .. لقينا العذرائلي جنبنا  
رافع رايات سوده .. هدومه معفره  
قولناؤه إعقل .. قام شتمنا وسبنا  
يا عمنا .. سال دمنا  
فوق الميدان .. ما همنا  
فبلاش تدوس فوق أمنا  
وكفايه نارنا .. وطول عذابنا .. وغلبنا  
الجمعه .. كانت ( لم شمل ) لقلبنا

. - - - - .



## باحبك قوي

أنا .. باحبك قوى  
ولا هارضى يوم تنكوى  
آه يا علم هفهاف  
إزاي فى يوم تنطوى  
يا عظيمه من يومك  
داس الغبى نومك  
هايعلى إسلامك ..  
إبن الأصول السوى  
أنا .. باحبك قوى

• - - - - -

## تمثال صنم

يا ناسنا ليه .. قاعدين بعيد تتفرجوا  
فوق الطريق الصح لسه بتعرجوا  
الدنيا داخله .. وانتوا لسه بتسألوا  
إزاي من ( الجاهليه ) تاني تخرجوا  
وتقولوا ع التمثال صنم  
وتحرموا صوت النغم  
ليه السيوف فوق العلم  
وبترموا روحنا بكُفْر دون ما تُحْرَجُوا  
يا ناسنا ليه .. قاعدين بعيد تتفرجوا

-----

## من غير سبب

الفتنه داخله علينا من كل الدروب  
راكب صاحبها ( الناقه ) جايب في الغروب  
إتنبهوا .. قبل الدياب ما يشوهوا ..  
روحنا بألف نقاش .. بيشبه للحروب  
أنا دينى .. دين المعرفه  
وحبيبي .. هو المصطفى  
قرآنى فيه كل الشفا  
إزاي هاتهمس لى توب .. عن إيه هاتوب  
الفتنه داخله علينا من كل الدروب

• - - - - -

## الغروب

الإعتصام .. والإحتجاج من غير سبب  
بيوصلونا لكل أنهار اللهب  
ويعطلونا عن الوصول علشان نكون  
وبيحرمونا من رجوع اللى اتنهب  
ما تريحونا وتعقلوا  
وبلاش لنا تستهبلوا  
كل الدقون استغفلوا ..  
روحنا .. عشان ضاع الأدب  
الإعتصام .. والإحتجاج من غير سبب

. - - - - -

## ميلاد ديمقراطيه

ميلاد ديمقراطيه .. ليه بس مخوفك  
وكلمة حق طاهره .. فى لحظه بترجفك  
مش ممكن تبقى حاكم .. ولا يوم هاتكون ( وصى )  
يابو توب دايما قصير .. ضيق بيكتفك  
مش طايقه الناس وجودك  
ولا ناويه تقول نشيدك  
الجهل هو سيدك  
وان يوم رشحت نفسك .. الشعب هايكسفك  
ميلاد ديمقراطيه .. ليه بس مخوفك

. - - - - -

## مليون شيطان

كان ( ابتلاع ) للصف .. مش (توحيد ) وكان

مليون شيطان يبُولوا في كل الميدان

ويدوسوا فوق كل الخلايق بالدقون

خلوا البلبل .. تجرى .. تهرب م الميدان

يا مليونيه مزيفه

من غير محبه ومعرفه

زارنى حبيبى المصطفى

وهمسلى إوعى في يوم تأمن للشيطان

كان ( ابتلاع ) للصف .. مش (توحيد ) وكان

. - - - - -



## الغوله

عين الغوله الحمرة

كانت زى الجمره

يوم توصفلى جهنم

يوم توعدننى بعُمره

وانا واقف أتألم

م القرآن باتعلم

( أحمد ) جانى وسلم

وقسم بيننا التمره

عين الغوله الحمرة

. - - - - -

## الحربائيه

مصر فوق كل ( الشخوص ) الحربائيه

فوق بدل فخمه .. وفوق الجلايه

مصر هي الكلمه واضحه ولونها واضح

عمرها أبدا ما كانت غير بهيه

يا بهيه وخبرينا

ع الى ضحى بروحه لينا

والى داس بهداس علينا

والى خانك .. بعد ما خان القضيه

مصر فوق كل ( الشخوص ) الحربائيه

. - - - - -



## الأفعى

والله مصر أكبر .. من كل التيارات  
شبابها لسه أسمر .. فى قلبه المعجزات  
إزاي تفرض عليها .. رأيك يا عقل أجوف  
إزاي وهى شايله .. إنجيلها والآيات  
ما تسيبها فى حالها رافعه  
راسها .. يا سم أفعى  
محتاج قفاك لصفحه  
علشان تفوق بقلبك .. يا بحر السيئات  
والله مصر أكبر .. من كل التيارات

. - - - - -

## الوفاق

ومفیش ( توافق ) أو ( وفاق ) بین الجميع  
ظهر الخصام .. خلی السلام بیننا یضیع  
واحنا الی کنا ف أول المشوار نسیم  
إیه الی داس بالناقه .. ع السد المنیع  
یا وجوه غریبه مکشره  
لیه الصراخ .. والخنشره  
یا فلول ( قریش ) یا ( مَعْشَر )  
ساعة دخولکوا للمیدان .. شاب الرضیع  
ومفیش ( توافق ) أو ( وفاق ) بین الجميع

. - - - - -

## أجمل ما فيكي يا مصر

أجمل ما فيكي يا مصر

إنك مصر .. إنك مؤمنه

إنك أنا

يا سوسنه

يا حنينه

يا الى باحبك فى الدقيقه الواحده

ميت مليون سنه

أجمل ما فيكي يا مصر..

إنك مصر .. إنك مؤمنه

· - - - -

## أنا مسلم

والله العظيم .. أنا مسلم  
بالكوثر .. ليلاقي أنا باحلم  
مش قادر أشك في دينك  
يا دابحنى .. وربك أعلم  
سروالك عجيب .. ضحكنى  
مش عايز في يوم تشاركنى  
ولا إيدك في يوم تباركنى  
أنا أهرب واسيبك أسلم  
والله العظيم .. أنا مسلم

• - - - - -

## الحلو ومنى ونادية ومدحت

يا جريد النخل العالى

مَيْل وارمى السلام

أنا نسمة فى العلالى

أنا عش للحمام

أنا بندقية صاحبه

لو مات صوت السلام

يا جريد النخل العالى

مَيْل وارمى السلام

• - - - - -

## العلم

إرفع علم بلدك يا جاهل .. يا غبي  
يا مخ ( أبله ) .. مش منظم .. (لولبي)  
يا بو الملامح ( فظه ) يا ( كفار قريش)  
يا اللى حاولتوا تهدوا في قبر النبي  
خليكوا في قلب الكهوف  
أشياء قديمه ع الرفوف  
مش ممكن ( العميان ) تشوف  
يا مصر يا اللى انتى منايا ومطلبى  
إرفع علم بلدك يا جاهل .. يا غبي

■ ■ ■ ■ ■

## نوح

الله حيّ  
بكره جيّ  
راكب مهّره  
جايب مهّره  
قصر ..  
ونصر ..  
لمصر ..  
وضيّ  
الله حيّ

-----

## أم العبايه

قومی احضنینی ، بقوه .. أكثر  
على كل شيله .. ساعدينی أقدر  
وملمینى .. وكلمینى .. وعلمینى  
من شهد خدك .. خلینى أفطر  
یا ام العبايه .. بلون كتابك  
جايه المرایه .. عشان حبیبك  
داخل میدانك .. هاكون نصیبك  
دا مفیش یا طاهره .. من قلبی أخطر  
قومی احضنینی ، بقوه .. أكثر

. - - - - -



تالت يوم رمضان

(3 يوليو 2011)

ونام في قفصك .. غراب شيطاني  
خلاني أرجع .. أغنى تاني  
يا مشربيه .. يا زهور نديه  
الصحبه جايه .. جايه الأغاني  
تأليفك انتى .. تلحينك انتى  
يا اللى انتى قادره .. فى يوليو تشتى  
ولا حد شافك .. فى يوم خسرتى  
يا ثوره طاهره .. فيهاا لمعانى  
ونام فى قفصك .. غراب شيطاني

. - - - - -

## إزاي بقى

إنت اللى هاتعلمنى دينى ازاي بقى  
يا بو جهل .. يا بو السبحه زى المشنقه  
إزاي هاتأخذ منى ثوره مقدسه  
وانت اللى عشت الفجر جوه الشرنقه  
إبعد يا جاهل .. وانكسف  
بيك الطاغوت قبلى خسف  
م ( الجره ) طالع للأسف  
علشان تخلى الدنيا بيّ ضيقه  
إنت اللى هاتعلمنى دينى ازاي بقى

• - - - - -

## بنفسجه

فيه انفلات أخلاقي .. زائد بلطجه  
فيه ناس كثيره بدون سبب متشنجه  
فيه ناس بتحمى الثوره من غدر اللئام  
والباقي مش طايق بقلبه بنفسجه  
ماسك في إيده السيف بيلعن كل شئ  
مالهوش صديق .. غير الضلامه ع الطريق  
إن كان في قلب الكون مسئ .. هو المسئ  
لو جابوا سيرته .. مصر تصبح محرجه  
فيه انفلات أخلاقي .. زائد بلطجه

• - - - - -

## ضريح السيده

ضُمني .. لو شوفتيني أكثر من كده  
محتاج إلكي يا وردة ودموعها ندى  
حاويتي .. خلى عيوني تحضن نظرتك  
واحمني م اللى يدوس ( ضريح السيده )  
يا سيده .. ع العالمين  
أنا مين .. ورايحه بيّ فين  
كفرقي قلب الكافرين  
وانا زهره طاهره في المظاهره وبيت هُدى  
ضُمني .. لو شوفتيني أكثر من كده

• - - - - -

## الخدام

وصل الهوى والنور .. والخير على قدومك  
مين اللى يقدر يوم .. يطعن فى إسلامك  
دول خرقُوا يا امه .. يا باكيه فى الزحمه  
فما تزعليش من شئ .. أنا قلبى خدامك  
يا معلمانى أكون .. سيد وانا جوه  
فى الغربه زهرى ضعيف .. ماشى بدون قوه  
إبليس صبحلى ( كفيل ) .. مع إنه مش هو  
والخير ورا منك .. والثوره قدامك  
وصل الهوى والنور .. والخير على قدومك

• - - - - -

## الإماره

بتقول عايز ( إماره )

طيب .. فين الأماره

مكروه في كل حته

يا اللى وجودك خساره

يا ابو ( لكنه ) غريبه عنى

مش ممكن يوم تساعنى

( الفتوى ) لهيب لسعنى

يا راكب الحماره

بتقول عايز ( إماره )

• - - - - -

## باحبك

أنا .. باحبك .. من كل قلبي  
أبص دائما .. ألقاكي جنبى  
ما انتى الحبيبى .. يا نهر طيبه  
وانتى المراكب .. فى بحر أدبى  
لكنى خايف .. عليكى جدا  
من قلب زاييف .. خلانى أحزن  
همس الشفايف .. هايبقى أحسن  
بس انتى إوعى .. فى يوم تخبى  
أنا .. باحبك .. من كل قلبي

• - - - - -

## لابسين الطرح

لو شوفتى لابسین الطرح .. إوعى معاهم تهتفى  
وان شوفتى ابن بدون مداس .. بيه يا حبيبتى اتشرفى  
ولا تكسفى .. إنسان جعان .. ولا تكسفى .. إلا الجبان  
قبل الأذان .. نخلك طرح .. لنشيد ولادك .. إعزفى  
واتهندسى .. يا مهندسه  
يا أعلى أعلى مدرسه  
أرواح ولادك مخلصه  
خلوا اللى خانك يتمسح .. با اللى باعوكى .. إخسفى  
لو شوفتى لابسین الطرح .. إوعى معاهم تهتفى

• - - - - -



## بره الميدان

يا الا اخرجوا بره الميدان .. بره الجهات الأربعة  
أنا قلبى مش ناقص فتاوى الجهل .. ويا السرعه  
إسلامى مش محتاج إضافه مزوره .. ومزيفه  
إسلامى هو الضى .. من أول (حليمه المرضعه )  
يا جلابيه مرقعه  
وفتاوى صفره مبقعه  
كل السبل .. متقطعه  
واحنا شبعنا من سيوف تحريف .. شبعنا جعجعه  
يا الا اخرجوا بره الميدان .. بره الجهات الأربعة

. - - - - -

## مصريتي

يا غوغائيه منظمه  
يا ضد كل الأنظمه  
أنا في طريق مصريتي  
شاييل جميع الأوسمه  
فبلاش تاخذنى سنين ورا  
وكفايه جهل ومنظره  
كل القلوب متحسره ..  
على كل أعداء السما  
يا غوغائيه منظمه

## رغيف العيش

أنا لى عداله .. وحرية .. ورغيف العيش  
لو ناوى ترفع سيف .. هاتزول .. وبلدنا تعيش  
فما تقلقنيش .. وما تجرحنيش .. وما تدبحنيش  
وبلاش تخريب .. وكلام فى العيب .. وبلاش تطفيش  
أنا عارف دينى .. وإسلامى  
ومقامى .. ومجدى .. وأحلامى  
عمرك ما تكون لحظه ( إمامى )  
يا جبال همجيه .. وخطوه عفیه .. وضد الجيش  
أنا لى عداله .. وحرية .. ورغيف العيش

• - - - - -

## قصيدة النهايه

نشفى دمعك يا ناعسه  
خلى بالك .. م الخوارج  
م الى داخل .. والى خارج  
والى سارج ليكى شمعہ .. سوده .. لون دمع الغلابه  
خلى بالك .. م التعالب ..  
والأرانب .. والعناكب .. والديابه  
وافتحى البوابه .. تانى للأمانى  
والى جوه القلب شالك  
وافردى شالك يا نور الله علينا  
إوعى تنسى ف أى يوم إنك حزينه  
ع الى مات .. علشان تعيشى  
الأبالسه زمان يا أمى  
قصقصوا ريشى .. وشربوا من وريدى  
كسروا القيد الحديدى .. جوه إيدى  
قالوا لى .. كون حيادى .. إوعى تتدخل فى حالها  
إوعى يوم تسألها : مالك ؟



قمت واتوضيت فى نيلك  
وابتديت أكتب فى موالك يا طاهره  
وابتديت أحلم ببكره  
واما جانا يا صابره بكره  
الخوارج داسوا فوقنا  
جرجرونا من رموشنا .. من عروقنا  
( الفلول ) زادت وفاضت .. قومى ليهم  
واضريهم .. فوق قفاهم .. فوقهم  
عرفيهم .. إنك انتى الأم ..  
مش ممكن هاترضى ف يوم إهانه  
أو هاترضى بالخيانة  
إوعى تنسى ف أى يوم إنك ( مدينه )  
بعد ما سرقو الجنيه .. والأراضى .. والموازنه  
إحنا كنا ( التورته ) .. بينهم قسموها .. قسمونا  
داسوا فوقنا .. وفوق أبونا .. كفنونا  
والنهارده .. رجعوا تانى .. يضربونا



خلى بالك من دياب بتبص ليكي  
عايزه تانى تدوس عليكي بنار عفيه  
إشترينا يا بهيه .. واسترينا يا بهيه  
واحرسى الخيل اللى جايّه .. قبل يوم الجمعة ليكي  
كلنا خايفين عليكي .. خوف وليد على قلب أمه  
شوق جريح نازف فى دمه .. للصحابه  
خلى بالك م الديابه الحربائيه  
واضربي يا بلدنا بالإيد الحديد على كل واحد  
لسه جاحد .. لسه عاصى  
إنتى كسرتى الكراسى .. با اللى فوقها واللى فوقك  
واللى مص فى يوم عروقتك  
واللى داس على نور شروقتك .. واستباحك  
واللى كان بيزيد جراحك .. يا حبيبه  
إنتى ست الكون يا طيبه .. وانتى ستى  
وانتى بالمهره العفيه الخضره دوستى .. فوق صنمهم  
بعد ما خلوكى بين الناس غريبه



بُصى بعنيكى الطبيبه للزريه  
مش هاتلقى غير غنهم  
غير حميرهم .. غير جمالهم  
إوعى لحظه ترأفى أبدا بحالهم  
إوعى لحظه ترحمهم  
كلنا يا حبيبتى عايزينك فى لحظة صدق ..  
تاخديهم ميدان تحريرنا .. لاجل ما ترجميهم  
دوسنا فوق الأفعى .. لكن ديلها باين  
جوه نظرة كل خاين  
جوه روح حزب الأفعى .. والأفعى كتيره لسه  
نشفى دمعى يا ناعسه .. كوني فاهمه  
إن لسه الأرض محتاجه مساهمه  
جرجرونا زمان بألف وألف تهمة  
والنهارده .. السجون مليانه بيهم  
بعد ما نهبوا .. خزيناك



بعد ما فتحوا سجونك .. للى ينطق  
آه يا نن العين يا مبدأ .. جوه روحنا  
ياما ياما زمان سمحنا .. للكلاب تنهش حماكى  
خلى بالك .. لسه فيكى .. أفاقين سارقين جيوبك  
مشبوهين داقين فى بابك  
طمعانين عايزين يعودوا ويحكموكى  
والعمل ؟ .. محتاجه إيد حديدية .. مش حريريّه  
لاجل توقفهم فوق حدودهم  
واللصوص اللى خانوكى ..  
تقطعى بالحق إيدهم .. تلعنهم  
إوعى لحظه تسلمى أبدا عليهم .. واسجنهم  
قبل ما تقوى العصابه  
قبل ما تكثر فلول أسوأ دبابه  
إحنا ما صدقنا تكبر .. ثورة الناس الغلابه  
والغلابه .. هما ناسك  
هما أرضك .. هما عرضك .. عزوتك خيرك أساسك  
الغلابه هما أصلك .. يا بهيه





بصى ع الأفربول وبُصى ع البدل .. والجلابيه  
بس مش جلابيه فوق الركبه بيضه  
ضيقة فوق بُلغه خشنه  
إنطقى .. صوتك وحشنا  
والصنم .. عمره ما حاشنا عن سيادتك  
إفرشى ع الأرض سجادتك .. عشان الناس تصلى  
خلى كل الدنيا خلى .. الرسول حاضن فى عيسى  
الهلال .. حاضن كنيسه  
واللى يركب موجة الفوضى ويبدأ فى التطرف  
إقبضى فورا عليهم  
خايفه ليه م القسوه .. واحنا فى ظرف طارئ  
واحنا قدام المفارق .. مختارين فى ألف حاجه  
موجه بتدمر فى موجه .. والشطوط محتاره جدا  
الجرس وياه مآذن .. فى الفضا لسه بتدن  
والحكايه لسه بادئه



كونى مُره .. كونى حادقه  
ع الى عايز .. يزرع ( الفتنة ) فى أرضك  
صونى عرضك غصب عنهم  
قربى يا حبيبتى منهم .. واطعنيهم  
قولى ليهم : ثورتى طاهره .. شريفة القصد..  
نور .. هل من منازل  
إبنى للأطفال منازل  
إحنا مش ناقصين مهانه  
يا أمينه .. يا الى لسه عنيكى سارحه ..  
مدمعه .. ناعسه .. حزينه  
يا الى نفسك .. تروى فى ورد الجنينه .. وانتى ورده  
نظرتك .. عنقود موده  
ضحكتك .. عصفور جناين  
يا ملاك طائر على كل المداين  
زى أى أدان إلهى  
إنتى عزى .. وانتى جاهى  
وانتى فوق كل الى فوق .. وانتى التباهى  
بس فيه لسه تعالب



لسه أنصاص البشر جوه القوالب  
لسه فيه في الروح مطالب .. نمره واحد :  
تضربي كل اللى حاولوا يعطلوكي  
نمره واحد برضه : إوعى تسامحي سافل  
إفضحيه جوه المحافل  
نمره واحد برضه كوني السيف مسلط ..  
ع اللى شاييل سيف مسلط  
نمره واحد برضه دوسي ع اللى يغلط  
نمره خمسه : إوعى تاني تكوني ناعسه  
إوعى تاني تكوني صابره  
اللى خالك بيقى عبره  
وابدئي خلى الشباب قدام صفوفك  
وان في يوم يا حبيبتي زاد في القلب خوفك  
سلمى قلبك لشيخ عاقل .. ببدله حديثه ..  
حافض في أغاني الست .. شيخ مليون بخبره

. - - - - -

✳ إبراهيم رضوان .. شاعر عامية .. وفصحى .. وكاتب مسرحى .. ومؤلف تليفزيونى وإذاعى .. وشاعر غنائى .. وناقد أدبى .

✳ بدأ الكتابة منذ طفولته .. فى عام النكسه 1967 صدر ديوانه الأول (الدنيا هى المشنقة ) والذى حقق نجاحاً منقطع النظير فى كل قرى ونجوع ومدن مصر .. التى استقبلت الشاعر بترحيب مطلق .. وحب منقطع النظير .. حقق الديوان رقماً قياسياً فى التوزيع واستقبلته الصحافة بمئات المقالات والدراسات والكلمات الصادقة .. التى أشادت بالديوان .. ووضعت الشاعر فى مكانة عالية متميزة بين شعراء العامية فى مصر .

✳ فى عام 69 فاز بجائزة شعر العامية وشعر الفصحى بالمؤتمر الأول لأدباء الأقاليم بالقازيق .. فى نفس العام تم مصادرة الديوان ونفى الشاعر إلى محافظة سوهاج ثم إلى معتقل القلعة السياسى إلى أن صدر الحكم ببراءة ساحته من عشرات التهم الظالمة التى وجهت إليه .

✳ بعد البراءة تم ترحيل الشاعر إبراهيم رضوان إلى معتقل طرة السياسى حيث نزف من عمره خمسة وعشرين شهراً واثنى عشر يوماً..وأثناء اعتقاله تعرض والده ووالدته وأشقائه لأشد أنواع العذاب النفسى والمعنوى .

✳ بعد خروجه من المعتقل أصدر ديوانه (أنا والليل) ثم مسرحيتى: (السبرسجى) و(آلة التسجيل) كأول مسرح شعرى بمصر .



في ثقة وكبرياء سافر إلى العاصمة ليكتب أكثر من برنامج شعري : (صورة شعرية - الحياة والحب والأمل - رسائل ملونة - باحلم يا مصر - كلمات من نور - حكاية حب - موال الذكريات ) وعشرات البرامج الأخرى الناجحة في كل الإذاعات المصرية والعربية .

✽ التقى بالفنان محمد نوح الذي استقبل الشاعر بحفاوة بالغة وغنى له أغنية : (مدد مدد ..شدي حيلك يا بلد )وهي الأغنية التي حققت نجاحاً ساحقاً على جميع المستويات : الشعبية والفنية والأدبية والسياسية .. والتي تحولت إلى مسرحية ذائعة الصيت ..وفيلم غنائي.. واسطوانة ناجحة.. وشريط كاسيت حقق أعلى المبيعات .. والتي ( ويا للغرابة الشديدة والمفجعة والقاسية!! ) حوكم بسببها الشاعر ودخل كل معتقلات مصر .

✽ ضرب الشاعر رقماً قياسياً في عدد البرامج والحلقات والتمثيليات والمسلسلات ..التي كتبها للإذاعة والتلفزيون .. وحققت نجاحا كبيرا مدويا .

✽ حصل الشاعر إبراهيم رضوان على أول تفرغ في حياته عام 1973 بعد أن تم نقله من وزارة التربية والتعليم إلى وزارة الثقافة .

✽ ظل في منحة تفرغ دائمة ليمارس إبداعه الشعري والفني والأدبي .. حيث كتب خلال فترة تفرغه ( عشرة أجزاء ) لـ ( أسماء الله الحسنى ) بشعر العامية .

✽ آخر منحة تفرغ حصل عليها الشاعر من الوزير الفنان فاروق حسنى تبدأ من 1 / 7 / 2010 م وتنتهي في 30 / 6 / 2011 م .



✽ حصل من الدكتور عماد أبو غازي وزير الثقافة على منحة تفرغ تبدأ من 2011/7/1

حتى 2012/6/30

✽ كتب كل أغنيات الفنان محمد نوح .

✽ كتب لهاني شاکر ( أرجوکی یا حبیبتی ) و لمحمد منیر ( الناس نامت إلاك ) و ( قلب الوطن مجروح ) و لشادية كتب آخر أغنياتها ( و حياة رب المداين ) و للخلو و منى و نادية و ممدحت كتب ( يا جريد النخل العالی ) و لأميرة سالم و أحمد الشابوري كتب ( الله معاك ) و للفنان المتألق : سامح الصريطي أغاني مسرحية ( عالم كورة كورة ) و لعزة بلبع و ليلى غفران أغاني أمسيات و مسرحيات و أوبريتات : ( ألبوم العبور ) و ( سهرة مع نجيب محفوظ ) و ( التضامن العربي ) و عشرات الأعمال الغنائية الأخرى .

✽ كرمه الله عز وجل بنجاته من مرض القلب بعد أن تم علاجه على نفقة الأمير فيصل بن فهد (رحمه الله).

✽ أدى مناسك العمرة والحج هو وأسرته بدعوة كريمة من الأمير فيصل بن فهد .. ثم بدعوة أخرى كريمة من الأمير عبد العزيز بن فهد .

✽ قدم للمكتبة العربية دواوين : (الذكريات شوارع) و(مدد مدد.. شدى حيلك يا بلد) و ( الجنازة ) و(العصب الحاير ) و ( الأعمال الكاملة ) و ( أجمل ما فيكى يا مصر ) و(عنوانى هو مصر ) و(يا عم حمزة ) و ( رضوى ) و ( أسماء الرؤوف فى دنيا الحروف ) و (وقفه .. على باب القبول) و ( فى الساعه المليون قد تأتى الرياح ) و ( تساييح الروح ) و(معجزات الأزمان فى أسماء الرحمن) و ( أشعار باللغة الثالثة ) حيث أن الشاعر هو المؤسس الأول لهذه اللغة التى فاز من خلالها بجائزة أحسن شاعر لعام 2006 من إتحاد كتاب مصر



✽ يكتب للقناة الأولى برنامجاً شعرياً بعنوان ( سبحان الله ) أداء نادية حليم وغناء أحمد إبراهيم وإخراج ميرفت الدرملى.. ولقنات أخرى كتب (أسماء الله الحسنى ) و ( أسماء الرسول )

و ( أجمل الصفات ) و ( حروف من أبجدية النور ) و ( أحلى الكلام ) و(حروف الإيمان ) .  
✽ متزوج من السيدة إعتدال الجمل .. وله من الأبناء الأعمام : رضوى وشادى ومحمود .  
✽ عضو مؤسس باتحاد كتاب مصر وعضو بجمعية المؤلفين والملحنين بالقاهرة وبأريس ...

✽ تم إطلاق اسمه على شارع كبير بمدينة جدة بالمملكة العربية السعودية .  
✽ بعد نجاته من مرض القلب أصيب بمرض آخر حيث عولج على نفقة الأمير فيصل بن فهد مرة أخرى .

✽ وهب نصف وقته وحياته للأعمال الخيرية..حيث ينشر مئات الحالات الإنسانية في كل أنحاء مصر ويقوم بتوزيع الحقايب عن طريق جمعية البر والوفاء بطلخا والتي تصل إلى ألف حالة شهرياً ..وأعمال خيرية ومساعدات إنسانية عن طريق بعض المساجد الأخرى.  
✽ نشرت كل قصائده الفصحى في صحف الدول العربية .



✳ شاعر ملتزم متفرغ تماماً للإبداع الشعري و التأليف الدرامي .. وعلى هذا الأساس يتعد بقدر الإمكان عن المؤتمرات والندوات الشعرية والمهرجانات حتى ولو تم تكريمه بها.

✳ دخل في بعض المعارك الأدبية والفنية والنقدية التي أرهقته نفسياً وأديباً وصحياً.

✳ هاجم في مقالة له بصحيفة الجمهورية شاب يقلد مايكل جاكسون في برنامج هذا المساء مع سمير صبرى الذى أحضر لهذا الشاب عميد كلية الحقوق ليحصل للشاعر على حكم بالسجن والغرامة والكفالة .. فى الاستئناف وقف 178 رجل قانون مع الشاعر حتى حصل على البراءة بعد مدة طويلة .

✳ اختلف مع رئيس قناة إقليمية وقدم الشاعر مذكرة ضده إلى رئيس الجمهورية الذى أحال المذكرة إلى صفوت الشريف الذى أحالها إلى (خنزير مدينة الإعلام ) الذى يقبع الآن ذليلاً بالسجن بتهمة الرشوة .. أرسل لجنة إلى القناة الإقليمية حيث أحضروا 18 شاهداً ليشهدوا زوراً ضد الشاعر ليصدر ( الخنزير ) قراراً بمنعه من دخول المبنى وعدم التعامل معه فى كل الجهات التابعة للإعلام .. عندما أقام الشاعر دعوى فى مجلس الدولة أرسل ( الخنزير ) مستشاره القانونى ليقول لهم : أنه ممنوع من القناة الإقليمية فقط .. حيث أحييت الدعوى إلى المحافظة التابعة للقناة .. وما زالت القضية أمام القضاء رغم عودة الشاعر بمجهود بعض المسؤولين والأصدقاء .

✳ للشاعر ديوان بعنوان ( ولاد الكلب ) عن تجربته مع الخنزير وأمثاله .

✳ للشاعر ديوان آخر بعنوان ( إذاعة الحيوان ) عن الفترة التى قضاها بمبنى الإذاعة والتليفزيون.





✳ فاز الشاعر بجائزة الإبداع السورية عن مسرحية ( السبرسجى ) وجائزة الإبداع العراقية عن مسرحيته الشعرية ( آلة التسجيل ) .

✳ فاز بجائزة أحسن نشيد وطنى فى القرن السابق بعد ( بلادى .. بلادى ) عن أغنية ( مدد مدد ... شدى حيلك يا بلد )

✳ أكثر من دكتوراة كتبت ونوقشت عن الشاعر فى مصر والدول العربية .

✳ بعد أن أصبح ( والداً ) يندم على العذاب الذى سببه لوالده ووالدته أثناء وجوده بالمعتقل السياسى .

✳ لم يغادر مصر إلا للمؤتمرات والعمرة والحج .

✳ يتفرغ الشاعر الآن لكتابة مسلسله التلفزيوني : ( أحزان الغريب ) .. والغريب أن اتجاه الشاعر للكتابة الدرامية تم بناء على نصيحة من الأديب العالمي الكبير ( نجيب محفوظ ) .. الذي استقبله بحفاوة بالغة .. بعد أن قدم له الشاعر المسرحية الدرامية : ( نجيب محفوظ .. طائر الإبداع المغرد ) بطولة سامح الصريطي ووجدي العربي ولىلى غفران ومديحة حمدي .. بمناسبة فوز الأديب الكبير بجائزة نوبل .. نصحه أديب نوبل بالاتجاه للكتابة الدرامية .. وتنبأ له أنه سيحقق نجاحا باهرا فى الكتابة الدرامية التلفزيونية .. إلى جانب نجاحه الساحق فى شعر العامية المصرية .. لأنه يمتلك الحس الدرامي النادر .. بمفرداته وأدواته وصراعاته وشخصه .. فكل قصيدة من أشعاره عالم غني بالصراع والإبداع والتوهج ..



وتحققت نبوءة الكاتب العظيم .. وقدم الشاعر الكبير إبراهيم رضوان عشرات الأعمال الدرامية .. التي تحولت إلى مسلسلات ناجحة .. لها مذاقها الخاص .. وعبقها المتفرد .. منها مسلسلات : ( السبرسجي ) و(آلة التسجيل ) و ( ضحكات رجل مقطوع الرأس ) و(الدنيا هي المشنقة) و رائعته الساخرة : (عبد الشكور رفاعى .. راكب قمر صناعي ) للمبدعين : عبد الرحمن أبو زهرة ورجاء حسين وفاروق نجيب ونادية فهمي .. من إخراج المبدع رمزي مجاهد ..

الشاعر إبراهيم رضوان يضع الآن لمساته الأخيرة في مسلسله التلفزيوني الضخم : ( أحزان الغريب ) الذي يتناول حياة الشاعر الحافلة بالعجائب والغرائب والمغامرات والصراعات الدموية .. والحروب النفسية الرهيبة .. والإغراءات الشديدة التي تعرض لها في الوسط الفني : الإذاعي والتلفزيوني والسينمائي ..

مسلسل أحزان الغريب يسلط الضوء على كل فنانى مصر وفناناتها بصورة صريحة مذهلة لم يسبق لها مثيل .. بعد أن قام بتمزيق الأقنعة الوهمية المزيفة التي يضعونها فوق جلودهم .. والتي يخفون وراءها حقيقتهم وأطماعهم ورغباتهم وضعفهم وهشاشة عظامهم ووجدانهم .. إنه مسلسل صريح واضح مذهل يؤرخ لحياة الشاعر وحياة الوطن .



الشاعر إبراهيم رضوان يعتبر محارباً قوياً قديماً .. صلب الروح .. شديد المراس .. تلقى في  
فترات صباه وشبابه تدريبات شاقة في الصمود والنضال .. والتماسك والمواجهة .. في معتقلات

مصر الزاهرة

عنوان الشاعر:

مصر / طلخا دقهلية- 26 ش سويت- عمارة ليدو هوم

. - - - - -

## الفهرس

3	الاهداء
4	البداية
5	جيفارا علي المنصة
10	الجمعة
11	المحشي
12	ديل الأفعى
13	تلاتين سنة
14	الحيادي
15	المحاكمه
16	الثورجي
17	نهر النيل
18	إرحل
19	الباطل
20	المنصة
21	الجزية
22	الفوارغ
23	المصححة
24	علي بابا
25	آه يا أمي
26	التشريفه

27	الطراير
28	روح الروح
29	الأوباش
30	الحشاشين
31	آه يا زمن
32	عتريس
33	الموعظة الحسنه
34	الشله
35	الأفعى
36	المعارضه
38	الشاكوش
39	المطوه
40	المرجه
41	البغبغه
42	الجنسيه
43	الوريث
44	الحتفه
45	الشيخ
46	مال النبي
47	الكلاب
48	العماله
49	سوزي
50	بغل البغايل

51	التوأم
52	الغريزه
53	حسين سالم
54	صفوت
55	الشاعر
56	المدرّب
57	فرافيرو
58	الزبيبه
59	النعل والنعله
60	خربوها
61	شطوط عفاشه
62	الزعيم
63	نحن
64	ناعسه
65	أوزوريس
66	كمال
67	الشاعر الجنوبي
68	الغوايش
69	هشام طلعت
70	أستاذ خديعه
71	أبو الفساد
72	كذاب الزفه

73	السلام
74	حب الوطن
75	الشهره
76	بيضه ذهب
77	القضيه
78	آه عليكي
79	المباخر
80	الثوره
81	عم الحاج
82	التورته
83	على فين
84	كذب وثني
85	المرشح
86	البلغه
87	الأكابر
88	كنتوا فين
89	الهجره
90	سيبوا مصر
91	الفلول
92	للخلف دُر
93	صحة الرئيس
94	البطانه
95	الجلابيه
96	الكوسه

97	رأسمالي
98	شيكابالا
99	الجبله
100	الجماعه
101	بنطلوني
102	المجاعه
103	الصحافه
104	أمي
105	دين محمد
106	المبنى
107	ست الحزن
108	الموجه
109	صاحب شاحب
110	المصالح
111	البرتيته
112	حسين سالم
113	إحنا الغلابه
114	الكابوس
115	خوفو
116	الواعظ
117	القله
118	خيال مآته
119	السنيذ



120	الجزمه
121	سرطنونا
122	الشحط
123	القطه
124	عواد
125	البرقع
126	الكدابين
127	الدستور
128	العسكره
129	ست الملاح
130	عشره طاوله
131	إختارت
132	المقشه
133	الفار
134	خالتي الحاجه
135	العساكر
136	رياض
137	ألف فيل
138	مدد
139	المملكه
140	العبايه
141	رايحه فين
142	طواحين الهوا

143	المسبب
144	المبخرة
145	الإتلاف
146	المسخسوخ
147	إنتهازي
148	التوأم والبلطجه
149	أسواق النخاس
150	بردعة الجحش
151	سبب البلاوي
152	الفشخرة
153	بطرس
154	الغليان
155	الريجه
156	العويل
157	بلاد الله
158	صوت السكوت
159	الحزب الوطني
160	نهال
161	الكريسي
162	سيادة المشير
163	الغراب
164	النيام
165	العرش

166	الخوف
167	أنس الفقّي
168	أبو ملعه
169	رسول المعجزات
170	الجلابيه
171	القرنفله
172	طار الحمام
173	ما توحده
174	العجول
175	نصيحه
176	اللولبي
177	مجنون
178	فوق المصليه
179	القرع
180	الحيه
181	عفريت يهودي
182	كلب الجوى
183	مليون عمر
184	الضجر
185	مقام أمي
186	قلبي وعقلي
187	الأستاذ
188	عم شنطح

189	بودي جارد
190	الطبول
191	الخيام
192	النعل
193	شغل العيال
194	الريش
195	الطربوش
196	الخنجر
197	رب الكون
198	الشجيع
199	يا مصر يا حبي
200	أظهر مدرسه
201	البندقيه
202	أول هتاف
203	كلام عاطفي
204	الشبيحه
205	المركبه
206	واحد في الميڊان
207	تليفزيون مصر
208	الرشوه
209	يا لمونه
210	المساعد
211	عشه

212	الدفه
213	الرضوخ
214	ياريت تأدبيننا
215	يا مصر
216	الأراجوز
217	الأمن المركزي
218	الحاوي
219	يا سادتي
220	عم الشيخ
221	المدرّب
222	كارثه
223	ناس كدابه
224	المحافظ
225	الشايب
226	المهدي
227	قراقوش
228	ناطق بسم الوزاره
229	دراكولا
230	سيادة اللوا
231	العسكري
232	المليونيه
233	إتسلحي

234	فرقع لوز
235	أهل السياده
236	نبض الله
237	زهقت
238	قيس
239	المريميه
240	شنقتيني
241	ليلي
242	المقصله
243	شقلباظ
244	المستوى
245	ديمقراطيه مزيفه
246	المحرقة
247	منير
248	أبو الحرامي
249	المسك
250	اللون الزايف
251	الهيثيفه
252	فار مسلوخ
253	أم الفلول
254	للخلف دُر
255	سكه عوجه

256	بازواریطه
257	المخنث
258	الحیازه
259	الغنیمه
260	جلا جلا
261	هرم الهموم
262	مصر
263	النهایه
264	کفار قریش
265	مستقبل وردی
266	الغبی
267	روباہیکیا
268	یوم الجمعہ
269	کل المیدان
270	أعلام سودہ
271	السد المنیع
272	التطرف
273	الفریسہ
274	كان فیہ
275	المظاہرہ
276	29 یولیو
277	باحبك قوي

278	تمثال صنم
279	من غير سبب
280	الغروب
281	ميلاد ديمقراطيه
282	مليون شيطان
283	الغوله
284	الحربائيه
285	الأفعى
286	الوفاق
287	أجمل ما فيكي يا مصر
288	أنا مسلم
289	الحلو ومنى ونادية ومدحت
290	العلم
291	نوح
292	أم العبايه
293	تالت يوم رمضان
293	(3 يوليو 2011)
294	إزاي بقى
295	بنفسجه
296	ضريح السيده
297	الخدام
298	الإماره



299	باحبك
300	لابسين الطُرح
301	بره الميدان
302	مصريتي
303	رغيف العيش
304	قصيدة النهايه
320	الفهرس